


九家舊晉書輯本

二







九家舊晉書輯本

(二)

湯球輯

臧榮緒晉書卷十

夏侯湛

夏侯湛字孝若。譙國人也。文選東方朔畫贊注。

美容儀。才華富盛。早有名譽。與潘岳友善。時人謂之連璧。同上

為太尉掾。文選夏侯常侍誄注。

湛舉賢良對策。拜郎中。同上

進補太子舍人。轉尚書郎。出宰野王令。文選夏侯常侍誄注。

湛居邑累年。朝野多歎其屈。類聚四十八。覽二百二十。御

除中書侍郎。出補南陽相。文選夏侯常侍誄注。

惠帝即位。為散騎常侍。文選東方朔畫贊注。

湛族為盛門。性頗豪侈。甘食美服。窮滋極珍。湛將沒。遺命小棺薄斂。不修封樹。文選夏侯常侍誄注。

潘岳

潘岳字安仁。滎陽中牟人。文選藉田賦注。

父芘琅邪內史文選懷舊賦注

岳總角辯慧。擣藻清艷。鄉邑稱爲奇童。弱冠辟太尉秋興賦注·作賈充爲太尉·岳爲賈充掾·西征賦注·作岳弱冠辟太尉府掾司空府文選藉田賦注

泰始四年正月丁亥。世祖初藉千畝。司空掾潘岳作藉田頌曰。伊晉之四年正月丁未當作亥。皇帝親率羣

后。藉於千畝之甸。禮也。於是乃使甸帥清畿。野廬埽路。封人壝宮。掌舍設楛。青壇蔚其嶽立兮。翠幕黝以

雲布。結崇基之靈趾兮。啟四塗之廣阡。沃野墳腴。膏壤平砥。清洛濁渠。引流激水。遐阡繩直。邇陌如矢。繚

一作慈。愔服於縹輓兮。紺轅綴於黛耜。儼儲駕於塵左兮。俟萬乘之躬履。百僚先置位以職分。自上下下。具

惟命。臣襲春服之萋萋兮。接游車之麟麟。微風生於輕幟兮。纖埃起於朱輪。森奉璋以階列兮。望皇軒而

肅震。若淇露之晞朝陽兮。似衆星之拱北辰也。於是前驅魚麗。屬車鱗萃。閭闔洞啟。參塗方駟。常伯陪乘。

太僕乘一作執。轡后妃獻種。稷之種。司農撰播殖之器。挈壺掌升降之節。宮正設門閭之蹕。天子乃御玉輦。

蔭華蓋。衝牙錚鎗。綃紈綵繡。金根照耀。以炯晃兮。龍驥騰驤而沛艾。表朱衣於離坎兮。飛青縞於震兌。中

黃壘以發輝一作揮。兮。方綵紛其繁會。五輅一作路。鳴鑾。九旗揚旆。瓊鋏入雲。罕掩藹。簫管嘲晰以啾嘈兮。

鼓鞀砢隱以砢礚。笳籥嶷以軒翥兮。洪鐘越乎區外。震震填填。塵驚連天。以幸乎藉田。蟬冕類以灼灼兮。

碧色肅其千千。似夜光之剖荆璞兮。若茂松之依山顛也。於是我皇乃降靈壇。撫御耦一作游。坻一作場染屨。洪

塵在手。三推而舍。庶人終畝。貴賤以班。或五或九。於斯時也。居靡都鄙。民無華裔。長庶雜選。以交集。士女

頽斌而或戾。被褐振裾。垂髻總髮。躡踵側肩。倚裳連襪。即袂黃塵爲之四合兮。陽光爲之潛翳。動容發音。

而觀者莫不抃舞乎康衢。謳吟乎聖世。情欣樂於昏作兮。慮盡力乎樹藝。靡誰一作推督而嘗勤兮。莫之課

而自厲。躬先勞以說一作而悅。使兮。豈嚴刑而猛制之哉。有邑老田父。或進而稱曰。蓋損益隨時。理有常然。

高以下爲基。民以食爲天。正其末者。端其本。善其後者。慎其先。夫九土之宜。弗任四業。一作人之務。不壹。野

有菜蔬之色。朝靡代耕之秩。無儲穡以虞災。徒望歲以自必。三代之衰。皆此物也。今聖上昧且丕顯。夕惕

若慄。圖匱於豐。防儉於違。欽哉欽哉。惟穀之卹。展三時之弘務。致倉廩於盈溢。固堯湯之用心。而存救之

要術也。若乃廟祧有事。祝宗諏日。簋簠普悼。則此之自實。縮鬯蕭茅。又於是乎出。黍稷馨香。旨酒嘉粟。宜

其民和年登。而神降之吉也。古人有言曰。聖人之德。無以加於孝乎。夫孝者。天地之性。人之所由靈也。昔

者。明王以孝治天下。其或繼之者。鮮哉希矣。逮我皇晉。實光斯道。儀刑乎於萬國。愛敬盡於祖考。故躬稼

以供粢盛。所以致孝也。勸穡以足百姓。所以固本也。能本而孝。盛德大業。至矣哉。此一役也。而二美具。一作

顯焉。不亦遠乎。不亦重乎。敢作頌曰。思樂甸畿。薄采其茅。一作芳。大君戾止。言藉其農。其農三推。萬方以祗

耨我公田。實一作遂。及我私。我簠斯盛。我簋斯齊。我倉如陵。我庾如坻。念茲在茲。永言孝思。人力普存。祝史

正辭。神祇攸歆。逸豫無期。一人有慶。兆民賴之。文選藉田賦并注

舉秀才。高步一時。爲衆所疾。同上

岳出爲河陽令

同上閑居賦注

時山濤領王濟裴楷等皆親遇岳內不平乃密題閣道爲謠曰閣道東有大牛王濟執裴楷鞅和嶠刺促

不得休

事類賦注牛引晉書

轉懷令

文選閑居賦注

岳旣

一作領宰二邑勤於政績推

一作調

補尙書郎遷廷尉平爲公事免官

文選閑居賦注又西征賦注又河陽縣作注

楊駿爲太傅輔政高選吏佐引岳爲太傅主簿駿誅除名

同上閑居賦注

岳爲長安令作西征賦曰歲次亥枵元康二年壬子月旅蕤賓

五月律

丙子統日

統夏日

乙未御辰

十八日

潘子

憑軾西征自京徂秦迺喟然歎曰古往今來邈矣悠哉寥廓忽怳化一氣而甄三才此三才者天地人道

唯生與位謂之大寶生有修短之命位有通塞之遇鬼神莫之要聖智弗能豫當休明之盛世兮託菲薄

之陋質納旌弓於鉉台讚庶績於帝室嗟鄙夫之常累固旣得而患失無柳季之直道佐士師而一黜武

皇忽其升遐八音遏於四海天子寢於諒闇兮百官聽於冢宰彼負荷之殊重兮雖伊周其猶殆窺七貴

於漢庭譁一姓之或在無危明以安位祇居逼以示專陷亂逆以受戮匪降禍之自天孔隨時以行藏遽

與國而舒卷苟蔽微以謬章患過辟之未遠悟山潛之逸士卓長往而不反陋吾人之拘攣飄萍浮而蓬

轉寮位偏其隆替名節灌以墮落危素卵之累殼甚玄燕之巢幕心戰懼以兢悚如臨深而履薄夕獲歸

於都外宵未中而難作。匪擇木以棲集。黜林焚而鳥存。遭千載之嘉會。皇合德於乾坤。弛秋霜之嚴威。流春澤之渥恩。甄大義以明責。反初服於私門。皇鑒揆余之忠誠。俄命余以末班。牧疲人於西夏。攜老幼而入關。丘去魯而顧歎。季過沛而涕零。伊故鄉之可懷。疚聖達之幽情。矧匹夫之安土。邈投身於鎬京。猶犬馬之戀主。竊託慕於闕庭。眷鞏洛而掩涕。思纏緜於墳塋。乃越平樂。過街郵。秣馬皋門。稅駕西周。遠矣姬德。興自高辛。思文后稷。厥初生民。率西水滸。化流岐嶽。祚隆昌發。舊邦維新。旋牧野而歷茲。愈守柔而執競。夜申旦而不寐。憂天保之未定。惟泰山其猶危。祀八百而餘慶。鑒亡王之驕淫。竄南巢以投命。坐積薪以待然。方指日而比盛。人度量之乖舛。何相越之遼迴。考土中於斯邑。成建都而營築。既定鼎於邾鄆。遂鑽龜而啟繇。平失道而來遷。繫二國而是祐。豈時王之無僻。賴先哲以長懋。望圜北之兩門。感號鄭之納惠。討子頹之樂禍。尤闕西之効戾。重戮帶以定襄。弘大順以霸世。靈壅川以止門。晉演義以獻說。咨景悼以迄句。政凌遲而彌季。俾庶朝之構逆。歷兩王而干位。踰十葉以逮赧。邦分崩而爲二。竟橫噬於虎口。輸文武之神器。澡孝水而濯纓。嘉美名之在茲。天赤子於新安。坎路側而瘞之。亭有千秋之號。子無七旬之期。雖勉勵於延吳。實潛慟乎余慈。眇山川以懷古。悵攬轡於中塗。虐項氏之肆暴。坑降卒之無辜。激秦人以歸德。成劉后之來蘇。事回沈而好還。卒宗滅而身屠。經滬池而長想。停余車而不進。秦虎狼之彊國。趙侵弱之餘燼。超入險而高會。仗命世之英蘭。恥東瑟之偏鼓。提西岳而接刃。辱十城之虛壽。奄咸陽以取

儁。出申威於河外。何猛氣之咆勃。入屈節於廉公。若四體之無骨。處智勇之淵偉。方鄙舛之忿悁。雖改日而易歲。無等級以寄言。當光武之蒙塵。致王誅於赤眉。異奉辭以伐罪。初垂翅於回谿。不尤眚以掩德。終奮翼而高揮。建佐命之元勳。振皇綱而更維。登嶠坂之威夷。仰崇嶺之嵯峨。皋記墳於南陵。文違風於北阿。蹇器孟以審敗。襄墨綬以授戈。曾隻輪之不反。縶三帥以濟河。值庸主之矜愎。殆肆叔於市朝。任好綽其餘裕。獨引過以歸己。明三敗而不黜。卒陵晉以雪恥。豈虛名之可立。良致霸其有以。降曲嶠而憐虢。託與國於亡虞。貪誘賂以賣鄰。不及臘而就拘。垂棘反於故府。屈產服於晉輿。德不建而民無援。仲雍之祀忽諸。我徂安陽。言陟陝郛。行乎漫瀆之口。憇乎曹陽之墟。美哉邈乎。茲土之舊也。固乃周邵之所分。二南之所交。麟趾信於關雎。騶虞應乎鵠巢。愍漢氏之剝亂。朝流亡以流析。卓滔天以大滌。劫宮廟而遷迹。俾萬乘之盛尊。降遙思於征役。顧請旋於懼汎。既獲許而中惕。追皇駕而驟戰。望玉輅而縱鏑。痛百寮之勤王。咸畢力以致死。分身首於鋒刃。洞胷腋以流矢。有褰裳以投岸。或攘袂以赴水。傷桴楫之褊小。撮舟中而掬指。升曲沃而惆悵。惜兆亂而兄替。枝末大而本披。都偶國而禍結。賊札飄其高厲。委曹吳而成節。何莊武之無恥。徒利開而義閉。躡函谷之重阻。看天險之衿帶。迹諸侯之勇怯。筆嬴氏之利害。或開關以延敵。競遯逃以奔竄。有噤門而莫敢。不窺兵於山外。連雞互而不棲。小國合而成大。豈地勢之安危。信人事之否泰。漢六葉而拓畿。縣弘農而遠關。厭紫極之閒敞。甘微行以遊盤。長傲賓於柏谷。妻觀貌而獻餐。疇

匹婦其已泰。胡厥夫之謬官。昔明王之巡幸。固清道而後往。懼銜槩之或變。峻徒御以誅賞。彼白龍之魚服。挂豫且之密網。輕帝重於天下。奚斯漸之可長。弔戾園於胡邑。諒遭世之巫蠱。探隱伏於難明。委讒賊之趙虜。加顯戮於儲貳。絕肌膚而不顧。作歸來之悲臺。徒望思其何補。紛吾既邁此全節。又繼之以盤桓。問休牛之故林。感徵名於桃園。發閭鄉而警策。憩黃巷以濟瀆。眺華岳之陰崖。覩高掌之遺蹤。憶江使之反壁。告亡期於祖龍。不語怪以徵異。我聞之於孔公。慍韓馬之大慙。阻關谷以稱亂。魏武赫以霆震。奉義辭以伐叛。彼雖衆其焉用。故制勝於廟算。碎揚桴以振塵。繡瓦解而冰泮。超遂遁而奔狄。甲卒化爲京觀。倦狹路之迫隘。軌踦驅以低仰。蹈秦郊而始關。豁爽塏以宏壯。黃壤千里。沃野彌望。華實紛敷。桑麻條暢。邪界褻斜。右濱汧隴。寶雞前鳴。甘泉後涌。面終南而背雲陽。跨平原而連嶓冢。九峻巖嶭。太乙龍從。吐清風之颺戾。納歸雲之鬱蒼。南有玄灞。素澹。湯井。溫谷。北有清渭。濁涇。蘭池。周曲。浸決鄭白之渠。漕引淮海之粟。林茂有鄂之竹。山挺藍田之玉。班述陸海珍藏。張敘神臬隩區。此西賓所以言於東主。安處所以聽於憑虛也。可不謂然乎。勁松彰於歲寒。貞臣見於國危。入鄭都而抵掌。義桓友之忠規。竭股肱於昏主。赴塗炭而不移。世善職於司徒。緇衣弊而改爲履。犬戎之侵地。疾幽后之詭惑。舉僞烽以沮衆。淫嬖襲以縱慝。軍敗戲水之上。身死驪山之北。赫赫宗周。威爲亡國。又有繼於此者。異哉秦始皇之爲君也。傾天下以厚葬。自開闢而未聞。匠人勞而弗圖。俾生理以報勤。外罹西楚之禍。內受牧豎之焚。語曰。行無禮必自及。

此非其効與。乾坤以有親可久。君子以厚德載物。觀夫漢高之興也。非徒聰明神武。豁達大度而已也。乃實慎終追舊。篤誠款愛。澤靡不漸。恩無不逮。率土且弗遺。而況於鄰里乎。況於卿士乎。於斯時也。乃摹寫舊豐。製造新邑。故社易置。分楡遷立。街衢如一。庭宇相襲。渾雞犬而亂放。各識家而競入。籍含怒於鴻門。沛跼踖而來王。范謀害而弗許。陰授劍以約莊。搦白刃以萬舞。危冬葉之待霜。履虎尾而不噬。實要伯於子房。樊抗憤以卮酒。咀螾肩以激揚。忽蛇變而龍攄。雄霸上而高驥。會遷怒而橫撞。碎玉斗其何傷。嬰罟組於軹塗。投素車而肉袒。疏飲餞於東都。畏極位之盛滿。金墉鬱其萬雉。峻嶮峭以繩直。戾飲馬之陽橋。踐宣平之清闕。都中雜遝。戶千人億。華夷士女。駢田逼側。展名京之初儀。卽新館而蒞職。勵疲鈍以臨朝。勸自強而不息。於是孟秋爰謝。聽覽餘日。巡省農功。周行廬室。街里蕭條。邑居散逸。營宇寺署。肆糜管庫。叢芮於城隅者。百不處一。所謂尙冠修成。黃棘宣明。建陽凸陰。北煥南平。皆夷漫滌蕩。亡其處而有其名。爾乃階長樂。登未央。汎太液。凌建章。縈馭娑。而款駘盪。輜朽詣而轢承光。徘徊桂宮。惆悵柏臺。驚雉雒於臺陵。狐兔窟於殿傍。何黍苗之離離。而余思之芒芒。洪鍾頓於毀廟。乘風廢而弗縣。禁省鞠爲茂草。金狄遷於灞川。懷夫蕭曹魏邴之相。辛李衛霍之將。銜使則蘇屬國。震遠則張博望。教敷而彝倫敍。兵舉而皇威暢。臨危而智勇奮。投命而高節亮。暨乎稊侯之忠。孝淳深。陸賈之優游宴喜。長卿淵雲之文。子長政駿之史。趙張三王之尹京。定國釋之之聽理。汲長孺之正直。鄭當時之推士。終童山東之英妙。賈生洛陽之

才子。飛翠綉。拖鳴玉。以出入禁門者衆矣。或被髮左衽。奮迅泥滓。或從容博會。望表知裏。或著顯績而嬰時戮。或有大才而無貴仕。皆揚清風於上烈。垂令聞而不可已。想珮聲之遺響。若鏗鏘之在耳。當音鳳恭顯之任勢也。乃熏灼四方。震耀都鄙。而死之日。曾不得與夫十餘公之徒隸齒。才難不其然乎。望漸臺而扼腕。梟巨猾而餘怒。揖不疑於北闕。軾樽里於武庫。酒池鑿於商羊。追覆車而不寐。曲陽僭於白虎。化奢淫而無度。命有始而必終。孰長生而久視。武雄略其焉在。近惑文成而溺五利。倖造化以制作。窮山海之奧。祕靈若翔於神島。奔鯨浪而失水。爆鱗幣於漫沙。隕明月以雙墜。擢仙掌以承露。干雲漢而上至。致邛笮其奚難。惟余欲而是恣。縱逸遊於角觝。絡甲乙以珠翠。忍生民之減半。勒東岳以虛美。超長懷以遐念。若循環之無賜。較面朝之煥炳。次後庭之猗靡。壯當熊之忠勇。深辭輦之明智。衛鬢髮以光鑒。趙輕體之纖麗。咸善立而聲流。亦寵極而禍侈。津便門以右轉。究吾境之所暨。掩細柳而撫劍。快孝文之命帥。周受命以忘身。明戎政之果毅。距華蓋於壘和。案乘輿之尊轡。肅天威之臨顏。率軍禮之長擡。輕棘霸之兒戲。重條侯之倨貴。索杜郵其焉在。云孝里之前號。惘輟駕而容與。哀武安以興悼。爭伐趙以徇國。定廟算之勝負。扞矢言而不納。反推怨以歸咎。未十里於遷路。尋賜劍以刎首。嗟主闇而臣嫉。禍於何而不有。窺秦墟於渭城。冀闕緬其堙盡。覓陛殿之餘基。裁峽蛇以隱鱗。想趙使之抱壁。劉睨楹以抗憤。燕圖窮而荆發。紛絕袖而自引。筑聲厲而高奮。狙潛鉛以脫臙。據天位其若茲。亦狼狽而可惑。簡良人以自輔。謂斯忠而鞅

賢寄苛制於捐灰。矯扶蘇於朔邊。儒林填於坑穽。詩書煬而爲煙。國滅亡以斷後。身刑轅以啟前。商法焉得以宿。黃犬何可復牽。野蒲變而成肺。苑鹿化以爲馬。假讒逆以天權。鉗衆口而寄坐。兵在頸而顧問。何不早而告我。願黔黎其誰聽。惟請死而獲可。健子嬰之果決。敢討賊以紓禍。勢土崩而莫振。作降王於路左。蕭收圖以相劉。料險易與衆寡。羽天與而弗取。冠沐猴而縱火。貫三光而洞九泉。曾未足以與其高下也。感市閭之叢井。歎尸韓之舊處。丞屬號而守闕。人百身以納贖。豈生命之易投。誠惠愛之洽著。訐望之以求直。亦余心之所惡。思夫人之政術。實幹時之良具。苟明法以釋憾。不愛才以成務。弘大體以高貴。非所望於蕭傅。造長山而慷慨。偉龍顏之英主。胷中豁其洞開。羣善湊而必舉。存威恪乎天區。亡墳掘而莫禦。臨揜坎而累抃。步毀垣以延佇。越安陵而無譏。諒惠聲之寂寞。弔爰絲之正義。伏梁劍於東郭。訊景皇於陽邱。奚信讒而矜諠。隕吳嗣於局下。蓋發怒於一博。成七國之稱亂。翻助逆以誅錯。恨過聽而無討。茲沮善而勸惡。咎孝元於渭塋。執奄伊以明貶。褒夫君之善行。廢園邑以崇儉。過延門而責成。忠何辜而爲戮。陷社稷之王章。俾幽死而莫鞠。怵淫嬖之凶忍。勦皇統之孕育。張舅氏之姦漸。貽漢宗以傾覆。刺哀主於義域。僭天爵於長安。欲法堯而承羞。永終古而不刊。瞰康陵之孤墳。悲平后之專絜。殃厥父之篡逆。蒙漢恥而不雪。激義誠而引決。赴丹爛以明節。投宮火而焦糜。從灰燼而俱滅。鰲橫橋而旋軫。歷敵邑之南垂。門礎石而梁木。蘭兮構阿房之屈奇。疏南山以表闕。倬樊川以激池。役鬼傭其猶否。矧人力之所爲。工

徒斷而未息。義兵紛以交馳。宗祧汗而爲沼。豈斯宇之獨墮。由僞新之九廟。夸宗虞而祖黃。驅吁嗟而妖
臨。搜佞哀而爲郎。誦六藝以飾姦。焚詩書而面牆。心不則於德義。雖異術而同亡。宗孝宣於樂游。紹衰緒
以中興。不獲事於敬養。盡加隆於園陵。兆惟奉明。邑號千人。訊諸故老。造自帝詢。隱王母之非命。縱聲樂
以娛神。雖靡率於舊典。亦觀過而知仁。馮高望之陽隈。體川陸之汗隆。開襟乎清暑之館。游目乎五柞之
宮。交渠引漕。激湍生風。乃有昆明池乎其中。其池則湯湯汗汗。混混瀰瀰。浩如河漢。日月麗天。出入乎東
西。且似湯谷。夕類虞淵。昔豫章之名字。披玄流而特起。儀景星於天漢。列牛女以雙峙。圖萬載而不傾。奄
摧落於十紀。擢百尋之層觀。今數仞之餘趾。振鷺於飛。鳧躍鴻漸。乘雲頽頽。隨波澹淡。灑灑驚波。唼喋蔭
芡。華蓮爛於淥沼。青蕃蔚乎翠澗。伊茲池之肇穿。肄水戰於荒服。志勤遠以極武。良無要於後福。而菜蔬
芼實。水物惟錯。乃有瞻乎原陸。在皇代而物土。故毀之而又復。凡厥寮司。旣富而教。咸帥貧惰。同整櫬權。
收罟課獲。引繳舉效。鰥夫有室。愁民以樂。徒觀其鼓枻迴輪。灑釣投網。垂餌出入。挺叉來往。織經連白。鳴
榔厲響。貫鰓芟尾。掣三牽兩。於是弛青鯤於網鉅。解頰鯉於黏徽。華魴躍鱗。素鱖揚鬣。雍人縷切。鸞刀若
飛。應刃落俎。霍霍霏霏。紅鮮紛其初載。賓旅竦而遲御。旣餐服以屬厭。泊恬靜以無欲。迴小人之腹。爲君
子之慮。爾乃端策拂茵。彈冠振衣。徘徊豐鎬。如渴如飢。心翹慙以仰止。不加敬而自祇。豈三聖之敢夢。竊
十亂之或希。經始靈臺。成之不日。惟艷及鎬。仍京其室。庶人子來。神降之吉。積德延祚。莫二其一。永惟此

邦云誰之識。越可略聞。而難臻其極。子贏鋤以借父。訓秦法而著色。耕讓畔以閑田。沾姬化而生棘。蘇張喜而詐騁。虞芮愧而訟息。由此觀之。土無常俗。而教有定式。上之遷下。均之埏埴。五方雜會。風流溷淆。惟農好利。不昏作勞。密邇獫狁。戎馬生郊。而制者必割。實存操刀。人之升降。與政隆替。杖信則莫不用情。無欲則賞之不竊。雖智弗能理。明弗能察。信此心也。庶免夫戾。如其禮樂。以俟來哲。述行歷論所經人物。

山水也。

文選西征賦并注。

汧督馬敦立功孤城。爲州司所枉。死於囹圄。岳誅之曰。惟元康七年秋。九月十五日。晉故督守關中侯。扶風馬君卒。嗚呼哀哉。初。雍部之內屬。羌反未弭。而編戶之氏。又肆逆焉。雖王旅致討。終於殄滅。而蜂蠆有毒。驟失小利。俾百姓流亡。頻於塗炭。建威喪元於好時。州伯宵遁乎大谿。若夫偏師裨將之殞。首覆軍者。蓋以十數。剖符專城。紆青拖墨之司。奔走失其守者。相望於境。秦隴之僭。鞏更爲魁。旣已襲汧而館其縣。子以眇爾之身。介乎重圍之裏。率寡弱之衆。據十雉之城。羣氏如蝟毛而起。四面雨射城中。城中鑿穴而處。負戶而汲。木石將盡。樵蘇乏竭。芻蕘罄絕。於是乎發梁棟而用之。芻以鐵鑊機關。旣縱礮而又升焉。爨陳焦之麥。柿栢楸之松。用能薪芻不匱。人畜取給。青煙傍起。歷馬長鳴。凶醜駭而疑懼。乃闕地而攻。子命穴浚。塹。實壺。鑼。瓶。甌。以偵之。將穿響作。內焚積火。薰之。潛氏殲焉。久之。安西之救至。竟免虎口之厄。全數百萬之積。文契書於幕府。聖朝疇咨。進以顯秩。殊以幢蓋之制。而州之有司。乃以私隸數口。穀十斛。考訊。

吏兵以價楚之辭連之。大將軍屢抗其疏曰：敦固守孤城，獨當羣寇，以少禦衆，載離寒暑，臨危奮節，保穀全城，而雍州從事忌敦勳効，極推小疵，非所以褒獎元功，宜解敦禁効，假授詔書，遽許而子固已下獄，發憤而卒也。朝廷聞而傷之，策書曰：皇帝咨故督守關中侯馬敦，忠勇果毅，率厲有方，固守孤城，危逼獲濟，寵秩未加，不幸喪亡，朕用悼焉。今追贈牙門將軍印綬，祠以少牢，魂而有靈，嘉茲寵榮，然絜士之間穢，其庸致思乎？若乃下吏之肆其噤害，則皆妬之徒也。嗟乎！妬之欺善，抑亦負首之讎也。語曰：或戒其子，慎無爲善，言固可以若是。悲夫！昔乘邱之戰，縣賁父御魯莊公，馬驚敗績，賁父曰：他日未嘗敗績，而今敗績，是無勇也。遂死之。圍人浴馬，有流矢在白肉，公曰：非其罪也。乃誅之。漢明帝時，有司馬叔持者，白日於都市，手劍父讎，視死如歸，亦命史臣班固而爲之誄。然則忠孝義烈之流，慷慨非命而死者，綴辭之士，未之或遺也。天子旣以策而贈之，微臣託乎舊史之末，敢闕其文哉。乃作誄曰：知人未易，人未易知。嗟茲馬生，位末名卑，西戎猾夏，乃奮其奇，保此汧城，救我邊危。彼邊奚危，城小粟富，子以眇身，而裁其守，兵無加衛，墉不增築，焚焚羣狄，豺虎競逐，鞏更恣睢，潛跣官寺，齊萬城闕，震驚台司，聲勢沸騰，種落煽熾，旌旗電舒，戈矛林植，彤珠星流，飛矢雨集，惴惴士女，號天以泣，爨麥而炊，負戶以汲，累卵之危，馬生爰發，在險彌亮，精冠白日，猛烈秋霜，稜威可厲，懦夫克壯，霑恩撫循，寒士挾纊，蠢蠢犬羊，阻衆陵寡，潛隧密攻，九地之下，愜愜窮城，氣若無假，昔命懸天，今也惟馬，惟此馬生，才博智贍，偵以瓶壺，劇以長壘，錘未見鋒，火

以起焰。薰尸滿窟。椁穴以斂。木石匱竭。其稜空虛。矚然馬生。傲若有餘。罌梁爲礪。柿松爲芻。守不乏械。歷有鳴鉤。哀哀建威。身伏斧質。悠悠烈將。覆軍喪器。戎釋我徒。顯誅我帥。以生易死。疇克不二。聖朝西顧。關右震惶。分我汧庾。化爲寇糧。實賴夫子。思暮彌長。咸使有勇。致命知方。我雖未學。聞之前典。十世宥能。表墓旌善。思人愛樹。甘棠不剪。矧乃吾子。功深疑淺。兩造未具。儲隸蓋鮮。孰是勳庸。而不獲免。猗哉部司。其心反側。斲善害能。醜正惡直。牧人逶迤。自公退食。聞穢鷹揚。曾不戢翼。忘爾大勞。猜爾小利。苟莫開懷。於何不至。慨慨馬生。琅琅高致。發憤囹圄。沒而猶眡。嗚呼哀哉。安平出奇。破齊克完。張孟運籌。危趙獲安。汧人賴子。猶彼談單。如何客嫉。搖之筆端。傾倉可賞。矧云私粟。狄隸可頒。況曰家僕。剔子雙龜。貫以三木。功存汧城。身死汧獄。凡爾同圍。心焉摧剝。扶老攜幼。街號巷哭。嗚呼哀哉。明明天子。旌以殊恩。光光寵贈。乃牙其門。司勳頒爵。亦兆後昆。死而有靈。庶慰冤魂。嗚呼哀哉。文選馬汧督諫井注。

潘尼岳從子字正叔。書鈔

尼性澹退。唯以著述爲事。類聚四十八。

元康初。拜太子舍人。上釋奠頌。其辭曰。元康元年。冬十二月。上以皇太子富於春秋。而人道之始。莫先於孝悌。初命講孝經於崇正殿。實應天縱生知之量。微言奧義。發自聖問。業終而體達。三年春。閏月。將有事於上庠。釋奠於先師。禮也。越二十四日。丙唐諱作景申。時祠者既齊。輿駕次於太學。太傅在前。少傅在後。恂

恂乎弘保訓之道。宮臣畢從。三率備衛。濟濟乎肅翼贊之敬。乃掃壇爲殿。懸幕爲宮。夫子位於西序。顏回侍於北墉。宗伯掌禮。司儀辯位。二學儒官。搢紳先生之徒。垂纓佩玉。規行矩步者。皆端委而陪於堂下。以待執事之命。設樽篚於兩楹之間。陳壘洗於阼階之左。几筵既布。鍾懸既列。我后乃躬拜俯之勤。資在三之義。謙光之美。彌劭闕里之教。克崇穆穆焉。邕邕焉。真先王之徽典。不刊之美業。允不可替已。於是牲饋之事既終。享獻之禮已畢。釋玄衣。御春服。弛齋禁。反故式。天子乃命內外羣司。百辟卿士。蕃王三事。至於學徒國子。咸來觀禮。我后皆延而與之燕。金石簫管之音。八佾六代之舞。鏗鏘闐闐。般辟俯仰。可以徵神滌欲。移風易俗者。莫不畢奏。抑淫哇。屏鄭衛。遠佞邪。釋巧辯。是日也。人無愚智。路無遠邇。離鄉越國。扶老攜幼。不期而俱萃。皆延頸以視。傾耳以聽。希道慕業。洗心革志。想洙泗之風。歌來蘇之惠。然後知居室之善。著應乎千里之外。不言之化。洋溢於九有之內。於熙乎若典。固皇代之壯觀。萬載之一會也。尼昔忝禮官。嘗聞俎豆。今廁末列。親覩盛美。瀦漬微猷。沐浴芳潤。不知手舞口咏。竊作頌一篇。義近辭陋。不足測盛德之形容。光聖明之遐度。其辭曰。三元迭運。五德代微。黃精既亢。素靈乃暉。有皇承天。造我晉畿。祚以大寶。登以龍飛。宣基誕命。景熙遐緒。三分自文。受終惟武。席卷要蠻。蕩定荒阻。道濟羣生。化流率土。後帝承哉。不隆曾構。奄有萬方。光宅宇宙。篤生上嗣。繼期挺秀。聖敬日躋。濬哲閎茂。留精儒術。敦閱古訓。遵道讓齒。降心下問。鋪以金聲。光以玉潤。如日之升。如乾之運。乃延台保。乃命學臣。聖容穆穆。侍講閭闔。抽演微

言啟發道真。採幽窮蹟。溫故知新。講業既終。精義既研。崇聖重師。卜日告奠。陳其三牢。引其四縣。既戒既式。乃盥乃薦。恂恂孔聖。百王攸希。亶亶顏生。好學無違。曰皇儲后。體神合機。兆吉先見。知來洞微。濟濟二宮。藹藹庶寮。俊乂鱗萃。髦士盈朝。如彼和肆。莫匪瓊瑤。如彼儀鳳。樂我雲韶。瓊瑤誰剖。四門洞開。雲韶奚樂。神人允諧。蟬冕耀庭。細珮振階。德以謙光。仁以恩懷。我酒惟清。我肴惟馨。舞以六代。歌以九成。莘莘胄子。祁祁學生。洗心自百。觀國之榮。學猶蒔苗。化猶偃草。博我以文。弘我以道。萬邦蟬蛻。矧乃俊造。鑽蚌瑩珠。剖石搗藻。絲匪玄黃。水罔方圓。引之斯流。染之斯鮮。若金受範。若埴在甄。上好和雲。下效如川。昔在周興。王化之始。曰文曰武。時爲世子。今我皇儲。濟聖通理。緝熙重光。於穆不已。於穆伊何。思文哲后。媚茲一人。實副元首。孝洽家邦。光照九有。純嘏自晉。永世昌阜。微微下臣。過充近侍。猥躡風雲。鸞鳳是廁。身澡芳流。目玩盛事。竭誠作頌。祇詠聖志。書鈔太子舍人。文選贈陸機出爲吳王郎中令注。按書鈔。雖未引其辭。意原所必有。故從唐修晉書錄出。

永興末爲中書令

類聚四十八

尼爲中書令。三王戰爭。皇家多故。尼職居顯要。從容而已。雖憂虞不及。而備嘗艱難。

書鈔

張載

張載字孟陽。武邑

新作安平。

人也。有才華。

文選七哀詩注。

載父收爲蜀郡太守。載隨父入蜀。作劍閣銘曰。巖巖梁山。積石峩峩。道屬荆衡。近綴岷嶓。南通邛犍。北達

褻斜狹過彭碣。高躡嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清
斯順。閉山往漢。開自有晉。秦得百二。并吞諸侯。齊得十二。田生獻籌。矧茲狹隘。土之外區。一人荷戟。萬夫
趨赴。形勝之地。匪親勿居。昔在武侯。中流而喜。山河一作河之固。見屈吳起。興實在德。險亦難恃。洞庭孟
門。二國不祀。二句一在興實二句上自古及今。天命匪一作不易。憑阻作昏。鮮不敗績。公孫既滅。一作沒劉氏銜璧。覆車之
軌。無或重跡。勒銘山阿。敢告梁益。益州刺史張敏。見而奇之。乃表上其文。世祖遣使鑄石記焉。文選劍閣銘并注

起家拜著作郎。文選七哀詩注

稍遷。領著作。遂稱疾抽簪。告歸卒於家。文選七哀詩注

張協字景陽。載之弟也。兄弟並守道不競。以屬咏自娛。少辟公府。文選詠史詩注

協見朝廷貪祿位者衆。故爲咏史詩以刺之。六臣文選詠史詩注

後爲黃門侍郎。因託疾。遂絕人事。終於家。文選詠史詩注

孫楚

孫楚字子荆。太原人也。文選征西官屬送于陟陽候作詩注

楚參鎮東軍事。太祖遣徐符劭。孫郁至吳。將軍石苞令楚作書與孫皓。曰苞白。蓋聞見機而作。周易所

貴。小不事大。春秋所誅。此乃吉凶之萌兆。榮辱之所由生也。是故許鄭以銜璧全國。曹譚以無禮取滅。載

籍既記其成敗。古今又著其愚智矣。不復廣引譬類。崇飾浮辭。苟以夸大爲名。更喪忠告之實。今粗論事要。以相覺悟。昔炎精幽昧。厯數將終。桓靈失德。災釁並興。豺狼抗爪牙之毒。生靈罹荼炭之難。由是九州絕貫。王綱解紐。四海蕭條。非復漢有。太祖承運。神武應期。征討暴亂。克寧區夏。協建靈符。天命既集。遂廓弘基。奄有魏域。土則神州中岳。器則九鼎猶存。世載淑美。重光相襲。固知四隩之攸同。帝者之壯觀也。昔公孫氏承籍父兄。世居東裔。擁帶燕胡。憑凌險遠。講武游盤。不供職貢。內傲帝命。外通南國。乘桴滄海。交疇貨賄。葛越布於朔土。貂馬延於吳會。自以爲控弦十萬。奔走之力。信能右折燕齊。左震扶桑。輜輳沙漠。南面稱王也。宣王薄伐。猛銳長驅。師次遼陽。而城池不守。桴鼓整鳴。而元凶折首。於是遠近疆場。列郡大荒。收離聚散。咸安其居。衆庶悅服。殊俗款附。自茲以降。九野清泰。東夷獻其樂器。肅慎貢其楛矢。曠世不羈。應化而至。巍巍蕩蕩。想所具聞也。吳之先祖。起自荆楚。遭時擾攘。潛播江表。劉備震懼。亦逃巴岷。遂依邱陵積石之固。三江五湖。浩汗無涯。假氣遊魂。迄茲四紀。兩邦合從。東西唱和。互相扇動。距捍中國。自謂三分鼎足之勢。可與泰山共相終始。相國晉王。輔相帝室。文武桓桓。志厲秋霜。廟勝之算。應變無窮。獨見之鑒。與衆絕慮。主上欽明。委以萬機。長轡遠御。妙略潛授。偏師同心。上下用力。稜威奮伐。深入其阻。并敵一向。奪其膽氣。小戰江介。則成都自潰。曜兵劍閣。而姜維面縛。開地六千。列郡三十。師不踰時。梁益肅清。使竊號之雄。稽顙絳闕。球琳重錦。充於府庫。夫韓并。魏徒。號滅。虞亡。此皆前鑒之驗。後事之表也。又南中

呂興深觀天命。蟬蛻內向。願爲臣妾。外失輔車。唇齒之援。內有毛羽。零落之漸。而徘徊危國。冀延日月。此猶魏武侯却指河山。自以爲強。殊不知物有興亡。則所美非其地也。方今百僚濟濟。雋又盈朝。虎臣武將。折衝萬里。國富兵強。六軍精練。思復翰飛。飲馬南海。自頃國家。整修器械。興造舟楫。簡習水戰。伐樹北山。則太行木盡。濬決河洛。則百川通流。樓船萬艘。千里相望。自刳木以來。舟車之用。未有如今日之殷盛者也。驍勇百萬。畜力待時。役不再舉。今日之謂也。然主相眷眷。未便電發者。猶爲愛人治國。道家所尙。崇城遂卑。文王退舍。故先開示大信。喻以存亡。殷勤之指。往使所究也。若能審識安危。自求多福。蹙然改容。祇承往告。追慕南越。嬰齊入侍。北面稱臣。伏聽告策。則世祚江表。永爲魏藩。豐功顯報。隆於今日矣。若猶侮慢。未順王命。然後謀力雲合。指麾風從。雍益二州。順流而東。青徐戰士。列江而西。荆揚兗豫。爭驅入衝。征東甲卒。虎步秣陵。爾乃王興整駕。六戎徐征。羽檄燭日。旌旗流星。遊龍曜路。歌吹盈耳。士卒奔邁。其會如林。煙塵俱起。震天駭地。渴賞之士。鋒鏑爭先。忽然一旦。身首橫分。宗祀淪覆。取戒萬世。引領南望。良助寒心。夫治膏肓之疾者。必進苦口之藥。決狐疑之慮者。必告逆耳之言。如其猶豫。迷而不反。恐俞附見其已死。扁鵲知其無功矣。勉思良圖。惟所去就。石苞白。劭至吳。不敢爲通。文選爲石仲容與孫皓書并注。

征西扶風王駿。與楚舊好。起爲參軍。梁令衛軍司馬。文選征西官屬送于陟陽候作詩注。

惠帝初。爲馮翊太守。太康三年卒。文選征西官屬送于陟陽候作詩注。

少時欲隱居。謂王濟曰：「當枕石漱流。」誤云「枕流漱石」。王曰：「石可漱流，可枕乎？」孫曰：「枕流欲洗其耳，漱石欲

礪其齒。」事類賦注七引晉書。

孫綽纂子字興公。

楚孫

興公齋前種一株松，枝高勢遠。鄰居曰：「松樹非不楚楚可憐，但恐無棟梁用耳。」興公曰：「楓柳雖合抱，亦何所施。」類聚

吾彥

吾原誤彥為交州刺史，在鎮二十餘年，威恩宣著。南州寧靜，自表求代，徵為大長秋。書鈔

周處

周處為人勇暴不可當之。嘗居義興，水中有蛟龍，山上有白額虎，鄉里有周處，人謂之「三橫」。有里人說處請殺虎，虎死，入水擊蛟龍，沒行數十里，處與之俱。經三日三夜，人謂已死矣，皆相慶賀。處殺蛟龍迴，聞鄉里相賀，始知身之患人也。於是反身修己。御覽四百三十五引晉書。

至洛陽，惠帝拜為將軍，累遷為建威將軍。後西征，沒於陣，贈西平將軍。俱見御覽四百三十五。

陶侃微時，丁艱，將葬，家中忽失牛，而不知所在。遇一老父，謂曰：「前岡見一牛眠山汙中，其地若葬，位極人臣矣。」又指一山云：「此亦其次。」當世出二千石，言訖不見。侃尋牛得之，因葬其處，以所指別山與周訪訪父

葬焉。果爲刺史。自訪以下。三世爲益州。四十一年。如其云言。書鈔家葛引晉書。

臧榮緒晉書卷十一

八王

汝南王亮

咸寧三年徙封汝南之國。武帝賜汝南王亮追鋒皂蓋轎車。書鈔引

西陽王璆字延年。文成王亮子也。類聚

輔成帝時。帝冲幼。詔璆依安平獻王孚故事。設牀帳於殿上。帝親迎拜。類聚

楚隱王瑋

楚隱王瑋字彥度。武帝第五子也。書鈔

武帝崩。入爲衛將軍。領北軍中侯。加侍中。行太子少傅。楊駿之誅也。瑋屯司馬門。瑋年少果銳。多立威刑。

朝廷忌之。書鈔引

孫秀子會。尙河東公主。形陋短小。奴僕之下者也。初學記十九引晉書

長沙王乂

長沙王乂字士度。原誤仕武帝子。太康十年封長沙王。御覽百五十一

父性果厲有威斷初入洛謂成都王曰天下先帝之業王宜維之時齊王冏已至聞父言者皆憚之御覽百五

十一引
晉書

成都王穎

成都王穎字章度文選大將軍宴會被命作詩注

武帝子拜屯騎校尉加散騎常侍御覽百五十一引晉書

趙王倫篡位穎與齊王冏舉義文選

成都王穎遣趙驤為前鋒文選

倫遣孫會等進驅未及溫十里大戰孫會先退諸軍相次奔潰穎尋過河

入於京師

誅倫均見文選大將軍宴會被命作詩注

進位大將軍文選

穎形狀美而神明少乃不知書以上亦見御覽百五十一因以校改然器性敦厚委事盧志故得成其美焉

書鈔諸王引晉書按書鈔大字

原標形狀美與御覽引同而小字仍同唐修書作形美而神皆知為陳氏所亂

東海王越

東海獻王越字元超。書鈔
有令名謙虛持布衣之操爲中外所宗。書鈔引

臧榮緒晉書卷十二

解系

解系字少連。書鈔

仲兄結字仲連。次兄育字雅連。

一作及二弟結。育按二兄字疑作弟字。

並清身潔己。俱仕。歷洗馬舍人。尚書郎。州里榮焉。

書鈔引晉書。

周馥。浚從弟。

司徒王渾。表馥理識清正。兼有才幹。主定九品。檢括精切。臣委任責成。褒貶允當。請補尚書郎。許之。稍遷司徒左長史。吏部郎。選舉精切。論望益美。書鈔引晉書。

苟晞

苟晞字道將。書鈔

苟晞為兗州鎮。去京師五百里。每得珍異食物。欲貽都邑親貴。慮經信宿。不復鮮美。募得千里牛。旦發暮還。晞以其駿快。疑筋骨有異。殺而觀之。唯有雙筋如小竹大。自頭挾脊。著肉裏。故外不覺。事類賦注。牛引晉書。晞為青州刺史。役煩賦重。民不堪命。日斬千人。血流成川。號曰屠白。人人怖懼。流入他州。書鈔引晉書。

劉喬

劉柳曾孫喬為僕射時右丞傅迪廣讀而不解其義柳讀老子而已迪每輕柳柳曰卿讀書而無所解可謂書籠矣晉書書鈔引

謂書籠矣晉書書鈔引

琨竟為匹碑所拘時盧諶為匹碑別駕琨妻即諶之從母也文選答盧諶注

為五言詩贈盧諶曰握中有懸璧自一作本自荆山璆是惟彼太公望昔在一作渭濱叟鄧生何感激千里

來相求白登幸曲逆鴻門賴留侯重耳任一作五賢小白相射鈎苟能隆二伯安問黨與讎中夜撫枕歎

想與數子游吾衰久矣夫何其不夢周誰云聖達節知命故不憂宣尼悲獲麟西狩涕孔丘泣一作功業

未及建夕陽忽西流時哉不我與去乎若一作雲浮朱實隕勁風繁英落素秋狹路傾華蓋駟摧雙

輶何意百鍊鋼化為繞指柔琨詩託意非常想張陳以激諶諶素無奇略以常詞酬琨文選重贈盧諶并注

衆人謂琨詩懷帝王大意文選贈劉琨并書注

琨卒後贈太尉文選江文通雜體詩注

劉輿琨兄為魏郡太守東海王越將召之或曰輿猶膩也近則汗人及至越疑而御之輿密視天下兵簿

倉庫牛馬器械水陸之形皆默識之是時軍國多事每會議自潘滔以下莫知所對輿既見越應機辨畫

越傾軛酬接即以爲左長史越既總錄以輿爲上佐賓客滿筵文案盈几遠近書記日有數千終日不倦

或以夜繼之。人人懼暢。莫不悅附。命議如流。酬對款備。時人服其能。比之陳遵。時稱越府有三才。潘滔大才。劉輿長才。裴邈清才。鈔引

祖逖爲豫州刺史。克己務施。不蓄資產。子弟耕耘。負擔樵薪。書鈔廉潔。又書鈔太守引作逖爲。呼子弟負薪。引晉書。

李矩

荀藩承制。假矩爲滎陽太守。矩招懷離散。遠近多附之。石勒親率大衆襲矩。矩遣老弱入山。命所在散牛馬。因設伏待之。賊爭取牛馬。伏發。齊呼聲動山谷。遂大破之。斬獲甚衆。勒乃退。藩表元帝。加矩冠軍將軍。賜輅車幢蓋。進爵陽武侯。書鈔引

段匹碑

鮮卑段匹碑。文選

假撫軍將軍。匹碑自號大將軍。文選答盧

郭默

河東郭默。徵爲右將軍。默樂爲邊將。不願內輔。提綱作宿衛。與新同。係爲陳亂。及赴召。謂平南將軍劉胤曰。我能禦胡

而不見用。但右軍主禁兵。若疆場有虞。被使出征。方始配給。將率一作卒無素。恩信不著。以此臨敵。少有不敗矣。時當爲官擇才。若人臣自擇官。安得不亂乎。書鈔引

郭默殺江州太守劉胤。自稱刺史。默爲人勇捷。常身披重甲。跳三丈矛。時人莫不憚之。後陶侃及庾亮率軍滅之。

御覽四百三十五雖引晉書。與新異。

臧榮緒晉書卷十三

武十三王

秦王東武帝第三子也。咸寧初封南陽王。文選夏侯常侍誅注。

後太康十年徙封秦王。文選選。

吳王晏字平度。武帝第二十三子。封吳。文選答賈長淵注。

簡文三子

會稽王道子。

道子日飲醇酒。而委事於元顯。書鈔

既而孫恩乘釁作亂。加道子黃鉞。元顯爲中軍以討之。又加元顯錄尚書事。然道子政無大小。一委元顯。

時謂道子爲東錄。元顯爲西錄。西府車騎填湊。東第門下可設雀羅矣。書鈔引晉書。

王導

導爲輔國將軍。上牋曰。昔魏武達政之主也。荀文若功臣之最也。封不過亭侯。倉舒愛子之寵。贈不過別部司馬。以此格萬物。得不局跡乎。今者臨郡。不問賢愚豪賤。皆加重號。輒有鼓蓋。動見相準。時有不得者。

或為恥辱。天官混雜。朝望頽毀。導忝荷重任。不能崇浚山海。而開導亂源。饕竊名位。取紊彝典。謹送鼓蓋

加崇之物。請從導始。庶令雅俗區別。羣望無感。書鈔引

中宗既登尊號。百官陪列。詔王導升御牀共坐。導固辭曰。太陽下同萬物。蒼生何由仰照。中宗乃止。書鈔引

晉書

王導為太子太傅。初帝愛瑯邪王裒。將有奪嫡之議。以問導。導曰。夫立子以長。且紹又賢。不宜改革。帝猶

疑之。導旦夕陳諫。故太子卒定。書鈔引

初曹氏性妬。導甚憚之。乃密營別館。以處衆妾。曹氏知將往焉。導遽令命駕。猶恐遲之。以所執麈尾柄。驅

牛而進。書鈔。麈尾引。晉書。

司徒蔡謨聞之。戲導曰。朝廷欲加公九錫。導弗之覺。但謙退而已。謨曰。不聞餘物。惟有短轅犢車。長柄麈

尾。導大慙。按書鈔犢車提綱有短轅犢車四字。注。晉書王導。見麈尾。則上所引。必并有此段。而為後人所刪。故姑依唐修書錄出。以俟攷。

王導孫謐。少有美譽。領司徒。桓玄將篡。謐奉璽冊詣玄。玄封謐開國公。及劉裕破玄。護軍將軍劉毅問謐

曰。璽綬何在。謐懼出奔。裕追還之。委任如初。書鈔璽引。晉書。

臧榮緒晉書卷十四

劉弘

武帝與劉弘同年。少同硯書。初學記二十
一引晉書。

劉弘爲鎮南將軍。督荊州軍事。弘遣南蠻長史陶侃爲大都督。書鈔引
晉書。

弘爲荊州。鎮沔漢。每有興發。手相書喻。丁寧款密。所以人皆感悅。有事人爭赴之。咸曰。得劉公一紙書。賢於十部從事。書鈔引
晉書。

陶侃

范逵嘗過侃。時倉卒無以待賓。其母乃截髮得雙髻。以易酒餼。樂飲極歡。雖僕從亦過所望。書鈔。髻。
引晉書。

陶侃語人曰。大禹聖人。乃惜寸陰。至於衆人。當惜分陰。參佐或以戲廢事者。乃取其蒲博棊局之具。悉投

於江。初學記
六。

陶侃明識過人。嘗課諸營種柳。都尉夏施盜官柳植於己門。侃後見之。曰。此是武昌西門前柳。何以盜來

此種盜者驚懼。事類賦注。柳
引晉書。

郝鑒

中原喪亂，鄉人遂共推邳鑒爲主，避難於魯國嶧山。山有重險，百姓饑饉，野無生草，掘野鼠蟄燕而食之。

事類賦注燕引晉書。

高平邳鑒進位太尉，雖在公位，中心愈約，勞謙自處，日興誦玩典墳，咸寧中寢疾，上疏遜位。

初學記十一引晉書，作邳鑒

字道徽，進祿太尉，疾篤，舉蔡謨自代，皆與新異。

也。書鈔太尉引。

曰：臣疾彌留，遂至沉篤，自忖氣力，差理難冀，有生有死，自然

之分，但忝位過才，曾無以報，上慙先帝，下愧日月，伏枕哀歎，抱恨黃泉，臣今虛乏，救命朝夕，輒以府事付

長史劉遐，乞骸骨歸邱園，惟願陛下崇山海之量，弘濟大猷，任賢使能，事從簡易，使康哉之歌，復興於今。

則臣雖死，猶生之日耳。臣所統錯雜，率多北人，或逼遷徙，或是新附，百姓懷土，皆有歸本之心，臣宣國恩，

示以好惡，處與田宅，漸得少安，聞臣疾篤，衆情駭動，若當北渡，必起寇心，太常臣謨，平簡貞正，素望所歸，

謂可以爲都督，徐州刺史，臣亡兄息，晉陵內史，邁謙愛養士，甚爲流亡所宗，又是臣門戶子弟，堪任兖州

刺史，公家之事，知無不爲，是以敢希祁奚之舉。

按此疏文，疑所必有，故依唐修錄出。

邳超

愷子

字景興，少卓犖不羈，有曠世之度，交游士林，每存勝拔，善談論義理，精微。

書鈔參

桓溫辟爲征西大將軍掾，溫遷大司馬，又轉爲參軍，溫英氣高邁，罕有所推，與超言常謂不能測，遂傾意

禮待，超亦深自結納。

書鈔參軍引晉書。

超所交友，皆一時秀美，雖寒門後進，亦拔而友之，及死之日，貴賤操筆而誄者四十餘人，其爲衆所宗貴。

如此。書鈔誄引晉書。

顧榮

顧榮字彥先。書鈔主簿引晉書。

少有珪璋機符朗徹。同上

仕吳弱冠舉賢良為黃門侍郎。當時後進盡相推謝。稱榮有天才令望。御覽二百二十二引晉書按初學記十二引臧書。

吳平光祿大夫張華辟為祭酒。書鈔

榮入洛以南士秀望累遷太子中舍人轉廷尉正。同上

趙王倫篡位倫子虔以為長史榮與同寮宴飲見執炙者貌狀不凡有欲炙之色榮割炙啗之坐者問其

故榮曰豈有終日執之而不知其味及趙王倫敗榮被執將誅而執炙者為督率遂救之得免。書鈔炙引晉書。

大司馬齊王冏原引誤攸以為主簿。書鈔主簿引晉書。

廣陵相陳敏反留顧榮甘卓與共舉事榮初與偽和既而說卓共攻之榮發檄疑作橋斂舟於南岸敏率萬

人出不獲濟榮麾以羽扇敏衆大潰。事類賦注扇引晉書。

紀瞻

瞻舉秀才至洛陽尚書郎陸機策之曰昔三代明王啓建洪業文質殊制而令名一致然夏人尚忠忠之

弊也。朴救朴莫若敬。殷人革而修焉。敬之弊也。鬼救鬼莫若文。周人矯而變焉。文之弊也。薄救薄則又反之於忠。然則王道之反覆。其無一定邪。亦所祖之不同。而功業各異也。自無聖王。人散久矣。三代之損益。百姓之變遷。其故可得而聞邪。今將反古以救其弊。明風以蕩其穢。三代之制。將何所從。太古之化。有何異道。瞻對曰。瞻聞有國有家者。皆欲邁化隆政。以康庶績。垂歌億載。永傳於後。然而俗變事弊。得不隨時。雖經聖哲。無以易也。故忠弊質野。敬失多儀。周鑒二王之弊。崇文以辯等差。而流遁者歸薄。而無款誠。款誠之薄。則又反之於忠。三代相循。如水濟火。所謂隨時之義。救弊之術也。羲皇簡朴。無爲而化。後聖因承。所務或異。非賢聖之不同。世變使之然耳。今大晉闡元。聖功日躋。承天順時。九有一貫。荒服之君。莫不來同。然而大道旣往。人變由久。謂當今之政。宜去文存朴。以反其本。則兆庶漸化。太和可致也。又問。在昔。王象事備物。明堂所以崇上帝。清廟所以寧祖考。辟雍所以班禮教。太學所以講藝文。此蓋有國之盛典。爲邦之大司。亡秦廢學。制度荒闕。諸儒之論。損益異物。漢氏遺作。居爲異事。而蔡邕月令。謂之一物。將何所從。對曰。周制明堂。所以宗其祖。以配上帝。敬恭明祀。永光孝道也。其大數有六。古者。聖帝明王。南面而聽政。其六則以明堂爲主。又其中皆云太廟。以順天時。施行法令。宗祀養老。訓學講肄。朝諸侯。而選造士。備禮辯物。一教化之由也。故取其宗祀之類。則曰清廟。取其正室之貌。則曰太廟。取其室。則曰太室。取其堂。則曰明堂。取其四門之學。則曰太學。取其周水園如璧。則曰辟雍。異名同事。其實一也。是以蔡邕謂

之一物。又問。庶明亮采。故時雍穆。唐有命既集。而多士隆周。故書稱明良之歌。易貴金蘭之美。此長世所以廢興。有邦所以崇替。夫成功之君。勤於求才。立名之士。急於招世。理無世不對。而事千載恆背。古之興王。何道而如彼。後之衰世。何闕而如此。對曰。興隆之政。務在得賢。清平之化。急於拔才。故二八登庸。則百揆序。有亂十人。而天下泰。武丁擢傅巖之徒。周文攜渭濱之士。居之上司。委之國政。故能龍奮天衢。垂勳百代。先王身下白屋。搜揚仄陋。使山無扶蘇之才。野無伐檀之詠。是以化厚物感。神祇來應。翔鳳飄。甘露豐墜。醴泉吐液。朱草自生。萬物滋茂。日月重光。和氣四塞。大道以成。序君臣之義。敦父子之親。明夫婦之道。別長幼之宜。自九州。被八荒。海外移心。重譯入貢。頌聲穆穆。南面垂拱也。今貢賢之塗已闕。而教學之務未廣。是以進競之志恆銳。而務學之心不修。若闢四門以延造士。宣五教以明令德。攷績殿最。審其優劣。厝之百寮。置之羣司。使調物度宜。節宣國典。必協濟康哉。符契往代。明良來應。金蘭復存也。又問。昔唐虞垂五刑之教。周公明四罪之制。故世歎清問。而時歌緝熙。姦宄既殷。法物滋有。叔世崇三辟之文。暴秦加族誅之律。淫刑淪胥。虐濫已甚。漢魏遵承。因而弗革。亦由險泰不同。而救世異術。不得已而用之。故也。寬尅之中。將何立。而可族誅之法。足爲永制。與否。對曰。二儀分則兆庶生。兆庶生則利害作。利害之作。有由而然也。太古之時。化道德之教。賤勇力而貴仁義。仁義貴則彊不陵弱。衆不暴寡。三皇結繩而天下泰。非惟象刑緝熙而已也。且太古之法。所以遠獄。及其末不失有罪。是以獄用彌繁。而人彌暴。法令滋章。

盜賊多有。書曰：惟敬五刑，以成三德。叔世道衰，既興三辟，而文公之弊，又加族誅。淫刑淪胥，感傷和氣，化染後代，不能變改。故漢祖指麾，而六合響應。魏承漢末，因而未革。將以俗變由久，權時之宜也。今四海一統，人思反本，漸尙簡樸，則貪夫不競，尊賢黜否，則不仁者遠。爾則斟酌參夷之刑，除族誅之律，品物各順其生，緝熙異世而偕也。又問曰：夫五行迭代，陰陽相須，二儀所以陶育，四時所以化生，易稱在天成象，在地成形，形象之作，相須之道也。若陰陽不調，則大數不得不否，一氣偏廢，則萬物不得獨成。此應同之至驗，不偏之明證也。今有溫泉而無寒火，其故何也？思聞辯之，以釋不同之理。對曰：蓋聞陰陽升降，山澤通氣，初九純卦，潛龍勿用，泉源所託，其溫宜也。若夫水潤下，火炎上，剛柔燥溼，自然之性，故陽動而外，陰靜而內，內性柔弱，以含容爲質，外動剛直，以外接爲用，是以金水之明，內鑒火日之光，外輝剛施，柔受陽勝，陰伏。水之受溫，含容之性也。又問曰：夫窮神知化，才之盡稱，備物致用，功之極目，以之爲政，則黃義之規，可踵以之革亂，則玄古之風，可紹。然而唐虞密皇人之闊網，夏殷繁帝者之約法，機心起而日進，淳德往而莫返，豈太樸一離，理不可振，將聖人之道，稍有降殺邪？對曰：政因時而興，機隨物而動，故聖王究窮通之源，審始終之理，適時之宜，期於濟世。皇代質朴，禍難不作，結繩爲信，人知所守，大道既離，智惠擾物，夷險不同，否泰異數，故唐虞密皇人之網，夏殷繁帝者之法，皆廢興有由，輕重以節。此窮神之道，知化之術，隨時之宜，非有降殺也。

書鈔·秀才·引·首數句引晉書·雖未及問對之文·而有其文可知·故依唐修書錄出·

紀瞻能言玄理。司徒東海王越以爲公府祭酒。書鈔引晉書。按此該在越聚兵徐州。以顧榮爲軍諮祭酒時事。稱司徒者。從後言也。

賀循

賀循爲武康令。

俗多厚葬。及有拘忌迴避歲月。停喪不葬者。循皆禁焉。不知臧有此事否。故夾寫俟攷。

政教大行。鄰城宗之。然無援於朝。久不進序。著

作郎陸機上疏薦循曰。伏見武康令賀循。德量邃茂。才鑒清遠。服膺道素。風操凝峻。歷試二城。刑政肅穆。

前蒸陽令郭納。風度簡曠。器識朗拔。通濟敏悟。才足幹事。循守下縣。編名凡悴。訥歸家巷。棲遲有年。皆出

自新邦。朝無知己。居在遐外。志不自營。年時倏忽。而邈無階緒。實州黨愚智。所爲恨恨。臣等伏思臺郎所

以使州州有人。非徒以均分顯路。惠及外州而已。誠以庶士殊風。四方異俗。壅隔之害。遠國益甚。至於荆

揚二州。戶各數十萬。今揚州無郎。而荊州江南。乃無一人。爲京城職者。誠非聖朝待四方之本心。至於才

望資品。循可尙書郎。訥可太子洗馬舍人。此乃衆望所積。非但企及清塗。苟充方選也。謹條資品。乞蒙簡

察。書鈔。縣令。引晉書。按書鈔引至才鑒清遠止。未全。依唐修書補足。

軍司顧榮卒。引循代之。循稱疾篤。牋疏十餘上。帝遣之書曰。夫百行不同。故出處道殊。因性而用。各任其

真耳。當宇宙清泰。彝倫攸序。隨運所遇。動默在己。或有遐棲高蹈。輕舉絕俗。逍遙養和。恬神自足。斯蓋道

隆人逸。勢使其然。若乃時運屯弊。主危國急。義士救時。驅馳拯世。燭之武乘。緹以入秦。園綺彈冠。而臣漢。

豈非大雅君子。卷舒合道乎。虛薄寡德。忝備近親。謬荷寵位。受任方鎮。殮服玄風。景羨高矩。常願棄結駟。

之軒軌策柴筆而造門徒有其懷而無從賢之實者何良以寇逆殷擾諸夏分崩皇居失御黎元荼毒是
 以日夜憂懷慷慨發憤志在竭節耳前者顧公臨朝深賴高算元凱既登巢許獲逸至於今日所謂道之
 云亡邦國殄悴羣望顛顛實在君侯苟義之所在豈得讓勞居逸想達者亦一以貫之也庶廩徽猷以弘
 遠規今上尚書屈德為軍司謹遣盛軍沈禎銜命奉授望必屈臨以副傾遲

文選齊故陸昭王碑文注引臧榮緒晉書賀循賤曰日夜憂懷慷慨

慨發憤此係刪節之誤因依唐修書旁補以俟攷

賀循為太子太傅自以枕疾廢頓臣節不修累表固讓不許命皇太子親往拜焉

書鈔引晉書

薛兼

薛兼為太子少傅自兼祖綜父瑩至兼三世並傅東宮談者美之

書鈔引晉書

劉隗

劉隗字大連

書鈔

隗少有文翰除祕書郎

同上

其議獄事具刑法志

史通因習云中興書劉隗錄稱其議獄事具刑法志志無其說臧氏晉書於大連傳亦有斯語志亦無文

周顓

周顓字伯仁

書鈔參軍引臧書

少有重名。同上

太尉東海王越出鎮兗州。以顓爲參軍。深見器遇。書鈔·參軍·引臧書。

大興初。以顓爲太子少傅。上疏辭曰。臣退自循省。學不通一經。智不效一官。止足良難。未能守分。遂忝顯任。名位過量。不悟天鑒。忘臣頑弊。乃欲使臣內管銓衡。外忝傳訓。質輕蟬翼。事重千鈞。此之不可。不待識而明矣。若臣受負乘之責。必昭聖朝。惟塵之恥。俯仰愧懼。不知所圖。詔曰。紹幼沖。便居儲副之貴。當賴軌匠。以祛蒙蔽。望之儼然。斯不言之益。何學之習邪。所謂與田蘇遊。忘其鄙心者。便當副往。意不宜沖讓。書鈔

·太子少傅·引未全
·因依唐修書旁補·

顓代戴若思爲護軍將軍。尙書紀瞻置酒請顓及王導等二十人。顓荒醉失儀。爲有司所奏。書鈔引

周顓以杜機爲參軍事。出教曰。杜參軍耽學樂道。書鈔·參軍·引晉書·新書無·姑附於此。

顓在中朝時。能飲酒一石。及過江。雖日醉。每稱無對。偶有舊對從北來。顓遇之。乃欣然出酒二石。共飲。各

大醉。及顓醒。使視客。已腐脅而死。書鈔引

王敦籍顓家。收得素簾數枚。盛故絮而已。酒五甕。米數石。在位者服其清約。書鈔引

初王敦反。王導率羣從詣闕請罪。值顓將入。導呼顓。請曰。伯仁。以百口累卿。顓直入不顧。旣見帝。言導忠誠。申救甚至。帝然其言。顓喜飲酒。致醉而出。導猶在門。又呼顓。顓不與言。顧左右曰。今年殺諸賊奴。取金

印如斗大繫肘。書鈔·印·引晉書·

應詹

應詹字思遠。書鈔引晉書·

應詹遷南平太守。王澄為荊州。假詹督南平、天門、武陵、三郡軍事。及洛陽傾覆。詹攘袂流涕。勸澄赴援。澄使詹為檄。詹下筆便成。辭義壯烈。見者慷慨。書鈔·檄·引晉書·

天門、武陵谿蠻並反。詹討降之。時政令不一。諸蠻怨望。並謀背叛。詹召蠻酋。破銅券與盟。由是懷詹。數郡

無虞。同上·券·引晉書·

詹遷光祿卿。諷議於時。優游文籍。愛人好士。文辭粲然。書鈔·光祿卿·引臧書·

甘卓

甘卓字季思。書鈔·

郡命主簿功曹。察孝廉。州舉秀才。為吳王常侍。書鈔引晉書·

卓性先寬和。忽便彊塞。徑還襄陽。意氣騷擾。舉動失常。其家金櫃鳴聲似槌鏡。清而悲。巫云金櫃將離。是

以悲鳴。書鈔·匱·引晉書·

卓自照鏡。不見其頭。視庭樹而頭在樹上。同上·鏡·引晉書·

卞壺

卞壺廉潔儉素居甚貧約息當婚詔特賜錢三十萬固辭不受後患面創累乞解職拜光祿大夫加散騎

常侍書鈔·光祿大夫·引晉書·

孫惠

東海王越以孫惠為記室參軍書鈔

東海王越遷太傅以惠為軍諮祭酒數咨訪得失每造書檄越或驛馬催之應命立成皆有文采書鈔·記室參軍·

引晉書·

熊遠

時江東草創農桑弛廢熊遠建議曰立春之日天子祈穀於上帝乃擇元辰載耒耜帥三公九卿諸侯大夫躬耕帝籍以勸農功詩曰弗躬弗親庶人不信自喪亂以來農桑不修遊食者多皆由去本逐末故也時議美之

建興初元旦將作樂熊遠諫因原引諫作議·故錄上段以俟攷曰謹按尙書堯崩四海遏密八音禮云凶年天子徹樂減

膳孝懷皇帝梓宮未反豺狼當塗人神同忿公明德茂親社稷是賴今杜弢蟻聚湘川比歲征行百姓疲弊故使義衆奉迎未舉履端元日正始之初貢士麟萃南北雲集有識之士於是觀禮公與國同體憂容

未歇。昔齊桓貫澤之會。有憂中國之心。不召而至者數國。及葵邱自矜。叛者九國。人心所歸。惟道與義。將紹皇綱於既往。恢霸業於來今。表道德之軌。闡忠孝之儀。明仁義之統。弘禮樂之本。使四方之士。退懷嘉則。今榮耳目之觀。崇戲弄之好。懼違雲詔。雅頌之美。非納軌物。有塵大教。謂宜設饌。以賜羣下而已。元帝納之。按初學記四。御覽二十九。所引臧榮緒晉書。皆略。故依唐修晉書旁寫補足。

王鑒

王鑒少以文筆著稱。初爲元帝琅邪王侍中。書鈔引晉書。

陳顥

陳顥拜天門太守。殊俗安之。選腹心之吏。爲荊州參軍。若有調發。動靜馳白。故恆得宿辦。陶侃征還。顥先至巴陵上禮。侃以爲能。表爲梁原作冀州刺史。書鈔引晉書。

郭璞

郭璞字景純。河東人。文選江賦注。璞性放散。不修威儀。文選江賦注。

王導引爲參軍。王丞相令郭璞作卦。云公有震厄。可命駕西出數十里。得一柏樹。截短如公長。置常寢處。災當可立消。王從其言。數日果震柏樹。書鈔。白帖。引晉書。

晉王將卽阼。郭璞占國家徵。得豫之睽。案卦會稽郡當出鐘。應在人家井得之。後會稽剡縣人陳清。在井

中得一鐘。形制尤精也。初學記七引臧書。

元帝以爲佐著作。文選江賦注。

後轉王敦記室參軍。敦謀逆。爲敦所害。文選江賦注。

有人見其睡。形變鼯。云是鼯精。同上。

敦平後。贈弘農太守。文選江文通雜體詩注。

臧榮緒晉書卷十五

庾亮

亮中興初拜中書郎。領著作。侍講東宮。其所論釋。多見稱述。與溫嶠俱爲太子布衣之好。時帝方任刑法。以韓子賜皇太子。亮諫以申韓刻薄傷化。不足留聖心。太子甚納焉。書鈔·中書侍郎·引晉書·

肅祖卽位。欲使亮爲中書監。上疏曰。臣亮言。臣凡庸固陋。少無檢操。昔以中州多故。舊邦喪亂。隨侍先臣。遠庇有道。爰客逃難。求食而已。不悟徼時之福。遭遇嘉運。先帝龍興。垂異常之顧。旣眷同國士。又申之婚姻。遂階親寵。累忝非服。弱冠濯纓。沐浴玄風。頻煩省闕。出總六軍。十餘年閒。位超先達。無勞被遇。無與臣比。小人祿薄。福過災生。止足之分。臣所宜守。而偷榮昧進。日爾一日。謗讟旣集。上塵聖朝。始欲自聞。而先帝登遐。區區微誠。竟未上達。陛下踐阼。聖政惟新。宰輔賢明。庶僚咸允。康哉之歌。實在于至公。而國恩不已。復以臣領中書。臣領中書。則示天下以私矣。何者。臣于陛下。后之兄也。姻婭地。新作之嫌實與骨肉中表不同。雖太上至公。聖德無私。然世之喪道。有自來矣。悠悠六合。皆私其姻者也。人皆有私。則謂天下無公矣。是以前後二漢。咸以抑后黨安。進婚族危。向使西京七族。東京六姓。皆非姻族。各以平進。縱不悉全。決不盡敗。今之盡敗。更由姻昵。臣歷觀庶姓在世。無黨于朝。無援于時。植根之本。輕也薄也。苟無大瑕。猶或

見容。至于外戚。憑託天地。連勢四時。根援扶疏。重矣大矣。而財居權寵。四海側目。事猶不允。罪不容誅。身既招殃。國爲之弊。其故何邪。直由姻媾之私。羣情之所不能免。故率其所嫌而嫌之于國。是以疏附則信。姻進則疑。疑積于百姓之心。則禍成于重閨之內矣。此皆往代成鑒。可爲寒心者也。夫萬物之所不通。聖賢因而不奪。冒親以求一才之用。未若防嫌以明公道。今以臣之才。兼如此之嫌。而使內處心膂。外總兵權。以此求治。未之聞也。以此招禍。可立待也。雖陛下二相。明其愚款。朝士百僚。頗識其情。天下之人。安可門到戶說。使皆坦然邪。夫富貴榮寵。臣所不能忘也。刑罰貧賤。臣所不能甘也。今恭命則愈。違命則苦。臣雖不達。何事背時。違上。自貽患責哉。實仰覽殷鑒。量已知弊。身不足惜。爲國取悔。是以慙慙。屢陳丹款。而微誠淺薄。未垂察諒。憂惶屏營。不知所措。以臣今地。不可以進。明矣。且違命已久。臣之罪又積矣。歸骸私門。以待刑書。願陛下垂天地之鑒。察臣之愚。則臣雖死之日。猶生之年矣。疏奏。帝納其言而止。

書鈔·中書
監·引略·

因依唐修書補足·
并依文選本表校·

庚冰表云州任實重。恐非常選。

書鈔·治中
·引晉書·

桓彝

桓彝爲吏部郎。莅位稱職。名顯朝廷。以疾去職。嘗過輿縣。縣宰東海徐寧。通朗博涉。彝過之累日。結交而別。先是。庾亮每屬彝。覓一佳吏部。及至都。謂亮曰。爲卿得一吏部矣。亮問所在。彝曰。人所應有。而不必有。

人所應無而不必無。徐寧其海岱清士。因而敍之。卽遷吏部郎。竟歷顯職。書鈔·吏部郎引晉書·

王湛

王湛字處沖。司徒渾之弟也。兄子濟輕之。嘗詣湛。見牀頭有周易。問叔父何用此爲。湛曰。體中佳時。脫復看耳。濟請言之。湛因剖析玄微。妙有奇趣。皆所未聞也。濟才氣抗邁。于湛略無子姪之敬。旣聞其言。不覺慄然。心形俱肅。遂留彌日。累夜自視。缺然。乃歎曰。家有名士。三十年而不知。濟之罪也。濟有從馬。絕難乘。問湛曰。叔頗好騎不。湛曰。亦好之。因騎此馬。姿形旣妙。迴策如素。善騎者無以過之。又濟所乘馬。甚愛之。湛曰。此馬雖快。然力薄不堪苦行。近見督郵馬當勝。但芻秣不至耳。濟試養之。而與己馬等。湛又曰。此馬雖快。任重方知之。平路無以別也。于是當蟻封內試之。濟馬果躓。而督郵馬如常。濟益歎異。還白其父曰。濟始得一叔。乃濟以上人也。武帝亦以湛爲癡。每見濟輒調之曰。卿家癡叔死未。濟常無以答。及是。帝又問如初。濟一作又曰。臣叔殊不癡。因稱其美。帝曰。誰比。濟曰。上比山濤不足。下比魏舒有餘。湛聞曰。欲處我

季孟間乎。御覽五百十二·

王述字懷祖。書鈔·

司徒王導辟爲中兵屬。旣見無他言。惟問以在東米價。述但張目不答。導曰。王掾不癡。人何言癡也。嘗見導每發言。一坐莫不贊美。述正色曰。人非堯舜。何得每事盡善。導改容謝之。謂庾亮曰。懷祖清貞簡貴。不

滅祖父但曠淡微不及耳。書鈔·掾·引晉書·

王坦之字文度。書鈔

海西公廢領左衛將軍。書鈔

又領本州大中正。書鈔

溫薨與謝安共輔幼主。書鈔

王國寶坦之子少無士操不修廉隅。婦父謝安惡其傾側。每抑而不用。除尙書郎。國寶以中興膏腴之族。惟

作吏部不爲餘曹郎。固辭不拜。書鈔·引晉書·

范汪

范汪字玄平。書鈔·參軍·引臧書·

汪少孤貧。六歲過江。依外家新野庾氏。書鈔·寫書·引晉書·

及長好學。外氏家貧。無以資給。汪乃廬于園中。布衣蔬食。然薪寫書。寫畢誦讀亦遍。遂博學多通。善談名

理。書鈔·寫書·引晉書·而書鈔·參軍·引末二句引臧書·

護軍平南二府禮命交至。始解褐參軍。書鈔·參軍·引臧書·

劉惔

劉惔字真長沛國人也。文選王文憲集序注。

爲丹陽尹。文選

性重莊老。文選

韓伯

韓伯字康伯早孤家貧。御覽三百八十四引晉書。

伯年數歲至大寒母方爲作襦令康伯捉熨斗而謂之曰且著襦尋當爲汝作複袴。一作襦。伯曰已足不復煩母問其故對曰如火在熨斗中而柄尙熱今旣著襦下皆當煖也母甚異之。書鈔襦與熨斗兩引又御覽三百八十四俱引晉書。

王舒

王舒字允之總角時常從從伯敦寢敦與錢鳳謀逆事允之時飲酒帳中臥悉聞其言慮敦疑之便于臥處吐逆狼藉敦果疑遣看之見吐唾以爲醉。御覽三百八十四雖引晉書而與新異。

王廙弟彬彬子彪之。

廙爲鄱陽太守有枯樟樹更生王敦表勸進中宗曰皓獸應瑞而來臻樟樹久枯而更榮。類聚十。

王彪之字叔武。書鈔

從伯導謂曰選官欲以汝爲尙書郎汝幸可作諸王佐邪彪之曰位之多少旣不足計自當任之于時原引

• 作是 至于超遷是所不願遂為郎書鈔·尚書郎引晉書·

張闔

張闔少孤有志操太常薛兼進之于元帝言闔才幹貞固當今之良器即引為安東參軍甚加禮遇書鈔引晉

• 書

陸納玩子

納為吳興太守至郡不受俸祿頃之拜佐民尚書領州大中正將應召外綱紀白宜裝幾船納曰吾家不在此已敕私奴假裝並糧食來無所復煩一作須也臨發止有被襪而已其餘悉皆封以還官書鈔二引晉書

時衛將軍謝安常欲詣納納兄子俶怪納無所備不敢問乃私蓄數十人饌安既至納所設唯茶果而已俶遂陳盛饌珍饈畢具及安去納杖俶四十云汝既不能光益叔父奈何穢吾素業事類賦注十七

何充

何充字次道書鈔引臧書

充少有名望大將軍王敦收羅賢俊辟為主簿書鈔·主簿引臧書

蔡謨

蔡謨為尚書上疏讓曰八座之任非賢莫居前後所用資名有常孔愉諸葛恢並以清節令才少著名望

昔愉爲御史中丞。臣尙爲司徒長史。恢爲會稽太守。臣爲尙書郎。恢尹丹陽。臣守小郡。名輩不同。階級殊懸。今猥以輕鄙。超倫踰等。上亂聖朝魚貫之序。下違羣士準平之論。豈唯微臣其亡之誠。實昭聖政惟塵之累。且左長史一超而侍帷幄。再登而廁納言。中興已來。上德之舉。所未嘗有。臣何人斯。而猥當之。是以叩心自忖。三省愚身。與其苟進。以穢清塗。寧受違命狷固之罪。書鈔。尙書。引未全。因以唐修書旁補。

殷浩

殷浩字深源。陳郡長平人也。御覽五百十二。引臧書。

與叔父融俱好老易。融與浩口談論詞屈。著篇則融勝。浩由是爲風流談論者所宗。御覽五百十二。引臧書。

蔡裔者。浩北征以爲前鋒。後仕僞趙。爲振武將軍。少有勇力。呼聲若雷。嘗有盜入室。裔撫几一呼。賊衆皆殞。時人憚之。御覽四百三十五。

孔愉

孔愉字敬康。會稽山陰人。初學記三十。引臧書。

以討華軼功。封餘不亭侯。愉少時常得一龜。放于溪中。龜中流左顧數過。及鑄侯印。而印龜左顧。更鑄亦然。印工以告。愉悟取珮焉。初學記三十。引臧書。

張茂夢得一大象。問人曰。何祥。對曰。君爲大郡。然而不善。或問其故。曰。象者大獸。獸者守也。故當爲大郡。

然象以齒見焚必爲人害。後爲吳國當作內史。爲沈充所害。御覽三百九十九雖引晉書。與新異。

謝安

謝安字安石。御覽五百十二引臧書。

簡文帝崩。大司馬桓溫來朝。頓止新亭。召侍中王坦之。吏部尙書謝安石。將害之。坦之恐。將欲出奔。謝安止之曰。晉祚存亡。在此一行。君何所逃。旣見溫。坦之前至。甚倉惶。倒執手板。汗流沾衣。安石後至。從容高視。良久坐定。謂溫曰。安聞諸侯有道。守在四方。明公何須壁後置人。溫笑曰。不能不爾。遂卻兵。歡語移日而罷。御覽三百八十七雖引晉書。而與新異。

以謝安石爲僕射。詔曰。尙書安石。沖允清純。識體弘道。宜內贊治道。外綏戎政。可爲尙書僕射。領吏部。加後將軍。書鈔。尙書僕射。引臧書。

安于東山營墅樓館。林木甚盛。每攜中外子姪。往來遊集。餽饌亦屢費百金。世頗以此譏焉。安殊不以屑意。御覽五百十二引臧書。

謝安石謂所親曰。昔桓溫在時。吾常懼不全。忽夢乘溫輿行十六里。見一白雞而止。乘溫輿者。代其位也。十六里而止。今十六年矣。白雞主酉。今太歲在酉。吾病殆不起乎。書鈔。與。引晉書。

安鄉人有罷中宿縣者。還詣安。問其歸資。答嶺南彫弊。惟有蒲葵扇五萬。安乃取一中者執之。于是京都

士庶競慕。價增數倍。事類賦注十四。

謝混。安孫。字叔源。少有美譽。善屬文。六臣本文選游西池注。引臧書。

為尚書左僕射。以黨劉毅被誅。六臣本文選游西池注。引臧書。

謝奕。安兄。

奕與桓溫善。溫辟為安西司馬。書鈔。

奕每因酒縱狎。無復朝廷禮。常逼溫飲。溫走入南康主門避之。主曰。君若無狂司馬。我何由得相見。奕遂

攜酒就聽事。引溫一兵帥共飲。曰。失一老兵。得一老兵。亦何所怪。溫不之責。書鈔。司馬。引晉書。

謝玄。奕子。字幼度。御覽五百十二。引臧書。

玄少好佩紫羅香囊。叔父安患之。而不欲傷其意。因戲賭取。即燒之。書鈔。囊。引晉書。

于時苻堅強盛。邊境數被侵寇。朝廷求文武良將。可以鎮禦北方者。無如玄。安乃以玄應舉。中書郎郗超

雖素與玄不善。聞而歎曰。安違衆舉親明也。玄不負所舉才也。書鈔。公正及薦舉。二引俱晉書。

玄敗苻堅于肥水。獲堅所乘雲母車。書鈔。引晉書。

以勳封康樂縣公。陳以先封東興侯。賜兄子玩。詔聽之。更封玩豫寧伯。御覽五百十二。引臧書。

謝石。安弟。字石奴。書鈔。

石遷尚書令。上疏遜位曰：尚書令國之總司，總括百揆，憲範至猷。式是百辟，故必簡德而拔，量才而授。書鈔

引晉書

王羲之

王羲之爲會稽太守，汎舟西河，作蘭亭宴集。書鈔·舟·引晉書

羲之見一老姥，持六角扇賣之。羲之書其扇各五字，姥歎惋，因謂姥曰：入市但言是王右軍書，每扇求百

錢。姥如其言，人競買之。後復持扇來請，羲之笑而不答。事類賦注十四

庾翼書少與王右軍齊名，右軍後進，庾猶不忿，在荊州與都下人云：小兒輩賤家雞，愛野雉，皆學逸少書，

須吾還當比之。事類賦注十八

王徽之。羲之子

又爲桓沖參軍。書鈔

嘗從沖行，值暴雨，徽之因下馬，排入車中，謂曰：公豈得獨擅一車。書鈔·車·引晉書

王獻之。徽之弟字子敬。書鈔

獻之夜臥齋中，而有偷人入其室，盜物都盡。獻之徐曰：偷兒，青氈我家舊物，可特置之。羣盜驚走。書鈔·引

晉書

獻之與桓溫書扇誤爲墨汚因就成一駁牒甚工事類賦注十五

朱伺

陶侃爲江夏郡守時陳敏作亂以朱伺能水戰曉作舟艦乃命大作艦逕據江口摧破敏前鋒伺水軍從沔口與賊水戰伺左右三人上弩以給伺伺望敵射之箭無空發書鈔引晉書

虞溥

溥遷鄱陽太守太修庠序廣招學徒移告屬縣曰學所以定情理性而積衆善者也情定于兵而行成于外積善于心而名顯于教故中人之性隨教而移善積則習與性成唐虞之時皆比屋可封及其廢也而云可誅豈非化以成俗教移人心者哉自漢氏失御天下分崩江表寇隔久替王教庠序之訓廢而莫修今四海一統萬里同軌熙熙兆庶咸休息乎太和之中宜崇尚道素廣開學業以讚協時雍光揚盛化乃具爲條制于是至者七百餘人書鈔太守引略因以唐修書旁寫補足引晉書

司馬彪

司馬彪字紹統文選贈山濤注引臧書

少篤學同上

初拜騎都尉太始中爲祕書郎轉丞文選贈山濤注

後拜散騎常侍。終于家。文選贈山濤注。

王隱

王隱始著國史。成八十八卷。免官家貧。未能就。遂南遊陶侃。又詣江州投庾元規。元規給其筆札。其書遂

成。書鈔事類賦注十五引晉書。

鄧粲

鄧粲。長沙人。少以高潔著名。與南陽劉麟之。南郡劉尚公。同志友善。並不應州郡辟命。荊州刺史桓沖卑

辭厚禮。請粲為別駕。粲嘉其好賢。乃起應召。書鈔別駕引晉書。

袁山松

山松善音樂。舊歌有行路難曲。辭頗疏質。山松好之。乃文其辭句。婉其節制。每因酣醉。縱歌之。聽者莫不

流涕。書鈔歌引晉書。

江道

道遷吳令。中軍將軍殷浩將謀北伐。請為諮議參軍。書鈔引晉書。

時羌及丁零叛。浩軍震懼。姚襄去浩十里結營。以逼浩。浩令道擊之。道進兵至襄營。謂將校曰。今兵非不精。而衆少于羌。且其塹柵甚固。難與校力。吾當以計破之。乃取數百雞。以長繩連之。一作以長繩連數百雞。繫火于足。

羣雞駭散。四字一作雞驚。飛集襄營。襄營火發。軍遂潰亂。因其亂。隨而擊之。襄遂少敗。書鈔。事類賦注。

王恭

王恭原作字孝伯。御覽四

清操過人。才地自負。恆有宰相之望。與王忱原作沈齊名友善。同上引晉書。與新少異。

司馬道子嘗集朝士置酒于東府。尚書令謝石因辭為委巷之歌。恭正色曰。居端右之重。集藩王之第。而

肆淫聲。欲令羣下何所取則。石深銜之。書鈔。尚書令引晉書。

恭美姿儀。

孟景未達時。在京嘗見王恭。乘高興披鶴氅裘。時天微雪。恭涉雪而行。景于籬間窺之。歎曰。此真神仙中人也。書鈔。雪引晉書。

殷仲堪

孝武帝召殷仲堪為太子中庶子。甚相親愛。書鈔。太子中庶子引晉書。

劉毅兄邁

劉毅率劉道規及下邳太守孟懷玉。與桓玄戰于崢嶸洲。于時義兵數千。玄兵甚盛。而玄懼有敗衄。常漾輕舸于舫側。故其衆莫有鬪心。義軍乘風縱火。盡銳爭先。玄衆大潰。書鈔引晉書。

初桓溫南州起齋。悉畫龍于其上。號曰盤龍齋。及玄篡位。劉毅討之。玄死而毅居焉。毅小字盤龍。事類賦注二十八。

桓玄既篡。欲引用孟昶。問其人于劉邁。邁曰。臣在京口。不聞昶有異能。但父子紛紛。更相贈詩爾。玄笑而止。御覽五百八十六引晉書。

劉曜逼長安。涼州刺史張寔叔父西海太守肅。請爲先鋒擊曜。寔以肅年老弗許。肅曰。狐死首邱。心不忘本。鍾儀在晉。楚弁南音。肅受晉寵。剖符列位。羯逆滔天。朝廷傾覆。肅宴安方裔。難至不奮。何以爲人。臣寔曰。門戶受重恩。自當闔宗効死。忠衛社稷。以申先公之志。但叔父春秋已高。氣力衰竭。軍旅之事。非耆耄所堪。乃止。旣而聞京師陷沒。肅悲憤而卒。御覽五百十二引晉書。

臧榮緒晉書卷十六

孝友傳

李密

李密有才能。常望內轉。而朝廷無援。乃遷漢中太守。自以失分懷怨。及賜餞東堂。詔密原作普令賦詩。末章曰。人亦有言。有因有緣。官無中人。不如歸田。明明在上。斯語豈然。武帝忿之。于是都官從事奏免密官。書鈔

黜免。引晉書。

庾袞。元康末。潁川太守。徵爲功曹。袞服造役之衣。杖鍤荷斧。不俟駕而行。曰。請受下夫之役。太守飾車而迎。袞遂巡辭退。請徒行入郡。將命者遂逼扶升車。納于功曹舍。旣而袞自取己車而寢處焉。形體雖恭。而神有不可動之色。太守知其不屈。乃歎曰。疑非常士也。吾何以降之。書鈔。功曹。引臧書。

孫晷

孫晷原作長。孫略。字文度。御覽四百十。二引臧書。

以富春車道少。動經江水。父難于風波。每行乘籃車。晷原作略常步從。遠者百里。每渡浦。則親入水扶持籃車。御覽四百十。二引臧書。

孫晷卒見樹哀泣。書鈔遺愛引晉書。

顏含

顏含字弘。原作子弘。無下都字。都。書鈔

少有操行。同上

肅宗初臨東宮侍臣宜須儒素有行者乃徵含太子中庶子。書鈔中庶子引晉書。

王延

延九歲喪父。御覽四百十二引臧書。

母卜氏遇之無道。同上

延事之夏則扇枕席冬則以身溫之盛寒體無全衣而親極滋味。御覽四百十二引臧書。

桑虞

桑虞字子深。類聚

虞家園有瓜熟有人踰盜虞見以園籬多棘刺使人為開道及盜負出見道通知虞使除之乃送瓜叩頭

請罪虞與之。書鈔瓜雖引晉書與新少異。

何琦

琦母喪未殯鄰家失火烟焰已逼家乏僮僕琦撫棺慟哭風止火息事類賦注八

何琦曰胡孔明有言隱者在山樵者亦在山在山則同所以在山則異豈不信之乎文選田南樹園激流植援注引臧書

吳達

吳達合門大小一十三人亡書鈔

備賃三年內成三墓十三棺太守張崇之嘉其節操召爲功曹顯以三牒之命羔雁之禮書鈔功曹引臧書

忠義傳

嵇紹

嵇紹事母至孝和色柔聲常若不足謹身節儉朝夕孜孜親執刀俎非無使役以他人不如己之至誠也

御覽四百十二引臧書

劉沈

劉沈字道真世爲北州名族博學好古辟衛瓘屬御覽二百四十九引臧書

王育

王育少孤貧爲人傭牧羊豕近學堂育常有暇拾薪以顧書生抄書夜截蒲以學書日夜不止亡失羊豕其主笞之育甚有慙色將鬻身以償於是郭子敬聞而嘉之代育還羊豕給其衣食令育與其子同學育

遂通博經史仕偽漢官至太傅御覽六百十一

易雄

譙王承為湘州令易雄為主簿書鈔主簿引臧書

城陷為虜佐吏逃散雄毀服為僮豎從之親執勞辱書鈔主簿引臧書

羅企生

羅企生字孟子諸作宗伯少多才藝書鈔功曹引晉書

殷仲堪鎮江陵引為功曹累遷武陵太守書鈔功曹引晉書

良吏傳

魯芝

魯芝字世英扶風人也文選讓開府表注引臧書

耽思墳籍研精稽古自三代之奧典聖人之微言皆該覽焉御覽二百三十八文選表注引首句

大將軍曹爽輔政高選賢明以為官屬延芝為司馬御覽二百三十八

武帝踐阼為鎮東將軍文選讓開府表注

以老遜位徵光祿大夫文選讓開府表注

曹攄

曹攄字顏遠，譙國人也。篤志好學。文選思友人詩注引臧書。

參南國中郎將。文選思友人詩注。新書無。

遷高密王左司馬。流人王道等，侵掠城邑，遇戰敗，死之。文選思友人詩注引臧書。

范晔

范晔原作略字彥長，南陽順陽人。少遊學清河，遂徙家僑居。郡命爲五官掾。御覽二百六十四引臧書。

鄧攸

鄧攸字伯道。書鈔

攸爲吳郡守，載米之郡，俸祿無所受，惟飲吳水而已。及去，如初到也。書鈔。廉潔引晉書。

稱疾去職。郡常有送迎錢數百萬，攸去郡不受一錢。書鈔。廉潔引晉書。

攸選吏部尚書，牧馬于家庭，妻息素食。書鈔。廉潔引晉書。

攸爲太常時，帝南郊，攸病不能從，車駕過，攸問疾，攸力病出拜，有司奏，攸不堪行郊而拜道左，坐免。攸每

有進退，無喜愠之色。久之，遷尚書左僕射。書鈔。太常引晉書。

攸逃奔石勒，負其妻子而去，擔其兒及其弟子綏，度不能兩全，遂棄其己子，卒無嗣。綏服攸喪三年。御覽五百

十二引
臧書

吳隱之

吳隱之字處默書鈔

隱之為晉陵太守布政簡惠文選行狀注引臧書

以太學國子博士為左衛率書鈔太子衛率引晉書

隱之為廣州刺史州二十里地名石門有貪泉相傳飲之者生貪心隱之酌而飲之賦詩曰嶺南有一水

號曰貪泉深試使夷齊飲終當不易心事類賦注七

隱之遷中領軍清儉不革每月初得祿裁留身糧其餘悉分賑親族家人紡績以供朝夕書鈔領軍將軍御覽二百三

十七引少異
宜從按

儒林傳

陳劭

陳劭字節良

武帝泰始中詔曰燕王師陳劭清貞廉潔行著邦族篤學好古博通六籍宜在左右以敦儒訓可給事中

類聚引
晉書

徐苗

徐苗字叔胄。高密淳于人。御覽百五十
三引臧書。

其兄弟皆早亡。撫養遺孤。慈聞州里。田宅奴婢。盡推與之。御覽五百
十二。

杜夷

杜夷原作字行齊。書鈔·祭酒
讖·引臧書。

除國子祭酒。皇太子禮之。執經問焉。書鈔·祭酒
引臧書。

續咸

石勒將遷都於鄴。咸固諫。勒怒曰。不斬此老臣。朕宮不得遷也。敕御史收之。中書令徐光表極諫。勒乃悟。停作。賜咸絹百匹。御覽四百
五十三。

徐邈

徐邈字先一作民。書鈔·太子衛
率·引臧書。

邈姿性端雅。書鈔·太子衛
率·引臧書。

少與鄉人臧壽齊名。孝武帝招延儒學之士。邈既東州儒素。太傅謝安舉以應選。補中書舍人。在西省侍帝。雖不口傳章句。然開釋文義。標明旨趣。撰正五經音訓。學者宗之。遷散騎常侍。書鈔·散騎侍
郎·引晉書。

時皇太子宮文武之選皆一時雋彥。書鈔·衛率引臧書。

建該作元中。邈爲太子前衛率。書鈔二引臧書。

雖在東宮猶朝夕入見。將順匡救。拾遺補闕。書鈔·衛率引臧書。

王歡

王歡字君厚。專精讀書。不營產業。家無升斗。妻患或毀其書。後爲遁儒。類聚·讀誦引晉書。

文苑傳

成公綏

成公綏字子安。東郡白馬人也。少有俊才。而口吃。辭賦壯麗。文選嘯賦注并參六臣本。

張華一見甚善之。時人以其貧賤。不重其文。仕爲中臺郎。作嘯賦曰。逸羣公子。體奇好異。敖世忘榮。絕棄

人事。希高慕古。長想遠思。將登箕山。以抗節。浮滄海以游志。于是延友生。集同好。精性命之至機。研道德

之玄奧。愍流俗之未悟。獨超然而先覺。狹世路之阨僻。仰天衢而高蹈。邈跨俗而遺身。乃慷慨而長嘯。于

時曜靈俄景。流光濛汜。逍遙攜手。踟躕步趾。發妙聲于丹脣。激哀音于皓齒。響抑揚而潛轉。氣衝鬱而標

起。協黃宮于清角。雜商羽于流徵。飄遊雲于泰清。集長風乎萬里。曲旣終而響絕。遺餘玩而未已。良自然

之至音。非絲竹之所擬。是故聲不假器。用不借物。近取諸身。役心御氣。動脣有曲。發口成音。觸類感物。因

歌隨吟。大而不洩。細而不沈。清澈切于竽笙。優潤和于琴瑟。玄妙足以通神悟靈。精微足以窮幽測深。收激楚之哀荒。節北里之奢淫。濟洪災于炎旱。反亢陽于重陰。唱引萬變。曲用無方。和樂怡懌。悲傷摧藏。時幽散而將絕。中矯厲而慨慷。徐婉約而優游。紛繁驚而激揚。情既思而能反。心雖哀而不傷。總八音之至和。固極樂而無荒。若乃登高臺以臨遠。披文軒而聘望。喟仰抃而抗首。嘈長引而慘亮。或舒肆而自反。或徘徊而復放。或冉弱而柔撓。或澎湃而奔壯。橫鬱鳴而滔洄。洌飄吵而清昶。逸氣奮涌。繽紛交錯。列列颯揚。啾啾響作。奏胡馬之長思。向寒風乎北朔。又似鴻雁之將雛。羣鳴號乎沙漠。故能因形創聲。隨事造曲。應物無窮。機發響速。怫鬱衝流。參譚雲屬。若離若合。將絕復續。飛廉鼓于幽隧。猛虎應于中谷。南箕動于穹蒼。清颿振乎喬木。散滯積而播揚。流埃藹之溷濁。變陰陽之至和。移淫風之穢俗。若乃遊崇岡。陵景山。臨巖側。望流川。坐盤石。漱清泉。藉皋蘭之猗靡。蔭修竹之蟬娟。乃吟詠而發散。聲略驛而響連。舒蓄思之悱憤。奮久結之纏綿。心滌蕩而無累。志離俗而飄然。若夫假象金革。擬則陶匏。衆聲繁奏。若箏若簫。礪碩震隱。訇磕啣嘈。發徵則隆冬熙蒸。騁羽則嚴霜夏凋。動商則秋霖春降。奏角則谷風鳴條。音均不恆。曲無定制。行而不流。止而不滯。隨口吻而發揚。假芳氣而遠逝。音要妙而流響。聲激曜而清厲。信自然之極麗。光殊尤而絕世。越韶夏與咸池。何徒取異乎鄭衛。于時縣駒結舌而喪精。王豹杜口而失色。虞公輟聲而止歌。寧子斂手而歎息。鍾期棄琴而改聽。孔父忘味而不食。百獸率舞而抃足。鳳皇來儀而拊翼。乃知長

嘯之奇妙亦音聲之至極云云義見于文也六臣本文選嘯賦并注引臧書

徵爲博士歷中書郎文選嘯賦注引臧書

左思

左思字太冲齊國人文選三都賦序注

左思貌醜而口訥初學記十九

少博覽史記一作文史欲作三都賦會妹芬入宮移家京師乃詣著作郎張載訪岷邛之事遂構思十稔門

庭藩溷皆著紙筆遇得一句卽疏之徵爲祕書賦成世此字依下引補人未之重文選三都賦序注書鈔賦

皇甫謐有高名于世思乃造而示之謐稱善爲其賦序云玄晏先生曰古人稱不歌而頌謂之賦然則賦

也者所以因物造端敷弘體理欲人不能加也引而申之故文必極美觸類而長之故辭必盡麗然則美

麗之文賦之作也昔之爲文者非苟尙辭而已將以紐之王教本乎勸戒也自夏殷以前其文隱沒靡得

而詳焉周監二代文質之體百世可知故孔子采萬國之風正雅頌之名集而謂之詩詩人之作雜有賦

體子夏序詩曰一曰風二曰賦故知賦者古詩之流也至于戰國王道陵遲風雅寢頓于是賢人失志詞

賦作焉是以孫卿屈原之屬遺文炳然辭義可觀存其所感咸有古詩之意皆因文以寄其心託理以全

其制賦之首也及宋玉之徒淫文放發言過于實誇競之興體失之漸風雅之則于是乎乖逮漢賈誼頗

節之以禮。自時之後。綴文之士。不率典言。並務恢張其文。博誕空類。大者罩天地之表。細者入毫纖之內。雖充車聯駟。不足以載。廣廈接榱。不容以居也。其中高者。至如相如上林。揚雄甘泉。班固兩都。張衡二京。馬融廣成。王生靈光。初極宏侈之辭。終以約簡之制。煥乎有文。蔚爾鱗集。皆近代辭賦之偉也。若夫土有常產。俗有舊風。方以類聚。物以羣分。而長卿之儔。過以非方之物。寄以中域。虛張異類。託有于無。祖構之士。雷同影附。流宕忘反。非一時也。曩者漢室內潰。四海圯裂。孫劉二氏。割有交益。魏武撥亂。擁據函夏。故作者先爲吳蜀二客。盛稱其本土險阻瓌琦。可以偏王。而卻爲魏主述其都畿。弘敞豐麗。奄有諸華之意。言吳蜀以擒滅比亡國。而魏以交禪比唐虞。旣以著逆順。且以爲鑒戒。蓋蜀包梁岷之資。吳割荆南之富。魏跨中區之衍。考分次之多少。計殖物之衆寡。比風俗之清濁。課士人之優劣。亦不可同年而語矣。二國之士。各沐浴所聞。家自以爲我土。樂人自以爲我民。良皆非通方之論也。作者又因客主之辭。正之以魏都。折之以王道。其土物所出。可得披圖而校。體國經制。可得案記而驗。豈誣也哉。文選皇甫謐三都賦序并注。

張載爲注魏都。劉逵爲注吳蜀。自是之後。漸行于俗也。袁本文選三都賦序注。

張華見而咨嗟深贊之。兼作序。都邑豪貴。競相傳寫。袁本文選注下有。偏於海內句。都下紙貴。書鈔。賦。文選三都賦序注。

庾闡

闡出補零陵太守。入湘川。弔賈誼。其辭曰。中興二十三載。余忝守衡南。鼓棹三江。路次巴陵。望君山而過。

洞庭涉湘川而觀汨水。臨賈生投書之川。慨以永歎矣。及造長沙。觀其遺象。喟然有感。乃弔之云。偉哉。蘭生而芳。玉產而潔。陽葩熙冰。寒松負雪。莫邪挺鏑。天驥汗血。苟云其雋。誰與比傑。是以高明倬茂。獨發奇秀。道率天真。不議世疾。煥乎若望舒耀景。而焯羣星。矯乎若翔鸞拊翼。而逸宇宙也。飛榮洛汭。擢潁山東。質清浮磬。聲若孤桐。琅琅其璞。巖巖其峯。信道居正。而以天下爲公。方駕逸步。不以曲路期通。是以張高弦悲。聲激柱落。清唱未和。而桑濮代作。雖有惠音。莫過韶蕩。雖有騰鱗。終仆一壑。嗚呼。大庭既邈。玄風悠緬。皇道不以智隆。上德不以仁顯。三五親譽。其軌可仰。而標霸功。雖逸。其途可翼。而闡悲矣。先生。何命之蹇。懷寶如玉。而生運之淺。昔咎繇蕃虞。呂尚歸昌。德協充符。乃應帝王。夷吾相桓。漢登蕭張。草廬三顧。臭若蘭芳。是以道隱則螻屈。數感則鳳覩。若棲不擇木。翔非九五。雖曰玉折。雋才何補。夫心非死灰。智必存形。形託神川。故能全生。柰何蘭膏。揚芳漢庭。摧景颺風。獨喪厥明。悠悠太素。存亡一指。道來斯通。世往斯圯。吾哀其生。未見其死。敢不敬弔。寄之淥水。書鈔甲文引略。因依唐修書旁補。

李充

李充字弘度。文選序注。

充爲著作郎。于時典籍混亂。刪除煩重。以類相從。分爲四部。甚有條貫。祕閣以爲永制。五經爲甲部。史記爲乙部。諸子爲丙部。詩賦爲丁部。文選王文憲集序注引臧書。

袁宏

袁宏少孤貧。以船運租自業。謝尚時鎮牛渚。秋夜乘月。率爾與左右微服泛江。會宏在舫中。諷詠。聲既清。會辭又藻拔。遂駐聽久之。遣問焉。答云。是袁臨汝郎誦詩。尚卽迎升舟。與之談論。申旦不寐。自此名譽日茂。書鈔。舟。引晉書。

袁宏警辯。出爲東陽郡公卿餞于冶亭。謝安欲以猝迫試之。就左右取扇。授之。曰。聊以贈行。宏應聲答曰。當奉揚仁風。慰彼黎庶。合座稱善。事類賦注十四。

羅含

羅含字君章。襄陽人。御覽三百九十八。

少時夢五色鳥入懷。遂取吞之。含覺胸中如吞物。意謂不吉。乃告叔母朱氏。朱氏曰。此鳥有文章。汝當善文章矣。果如其言。御覽三百九十八。雖引晉書。而與新異。

衆人謂之如荆楚之松竹。荆州刺史桓溫。以爲江左之清秀也。御覽三百九十八。

顧愷之

愷之好遊會稽。人問山川之美。對曰。千巖競秀。萬壑爭流。御覽三十八。引晉書。

何楨

何楨家貧。縛葦織扇。以奉供養。事類賦注十四。史通云。何楨。許詢。文雅。高子揚豫。王隱遺而不編。則此自是臧書。

許詢

許詢從會稽出都。船泊淮洛。劉眞長爲丹陽尹。數往船造之。書鈔詢移居皋屯之巖。常與沙門支遁及謝

安石、王羲之等。同遊往來。今皋屯呼爲許度巖。御覽五十四。

王讚

王讚字正長。義陽人也。博學有俊才。辟司空掾。歷散騎侍郎。卒。文選王讚雜詩注引臧書。

臧榮緒晉書卷十七

外戚傳

羊琇

羊稚舒冬月釀令人抱甕須臾復易人酒速成而味好。御覽四百九十三。

虞胤

子胤

虞胤轉右將軍與南頓王宗俱爲明帝所昵並典禁兵及帝不豫宗以陰謀發覺事連胤帝隱忍不問徒胤爲宗正卿。書鈔引晉書。

褚裒

褚裒字季野。書鈔

譙國桓彝見而目之曰季野有皮裏陽秋謝安亦雅重之恆云裒雖不言而四時之氣亦備初辟西陽王掾吳王文學。書鈔引晉書。

王濛

王濛字仲祖。初學記十九。

美姿容。嘗覽鏡自照。稱其父字曰王文開。生如此兒邪。嘗帽破。入市買之。羣嫗悅之。爭遺之帽。初學記十九雖引晉書。

與新少異。

隱逸傳

孫登

孫登字公和。事類賦注四。汲郡人。無家屬。同上十時人于汲北山土窟中得之。夏則編草爲裳。同上四。嘗披髮端

坐巖下。逍遙鼓琴。同上十一引晉書。

登嘗經宜陽山。作炭人見之。與語。登不應。作炭者覺其精神非常。咸共傳說。太祖聞之。使阮籍往觀。與語亦不應。籍因大嘯。登笑曰。復作。向聲又爲嘯。求與俱出。登不肯。籍因別去。登上峯行。且嘯。如簫韶笙簧之音。聲振山谷。籍怪而問作炭人。作炭人曰。故是向人聲。籍更求之。不知所止。推問久之。乃知姓名。水經注十五引

臧書

嵇康見孫登。彈一絃琴。初學記十六引晉書。

董京

董京字威輦。至洛陽。止宿白社中。得殘絮敗繒。輒結以爲衣。號曰百結衣。事類賦注十引晉書。

朱沖

朱冲字巨容

御覽八百三十
九引臧書

躬植禾藝蔬鄰牛侵犯持芻送牛而無恨色

御覽八百三十
九引臧書

范喬字伯孫

御覽三
十三

喬邑人臘夕盜斫其樹有告者喬佯不聞邑人愧而還喬喬曰節取柴故與父母相歡耳何以愧乎遂取之

御覽三十三
引晉書

任旭

任旭臨海人

書鈔

旭兒童時勤于學及長立操清修不染流俗鄉曲推而愛之郡將蔣秀嘉其名請爲功曹秀居官貪穢旭正色苦諫秀既不納旭謝去閉門講習養志而已久之秀坐事被收狼狽營送秀歎曰任功曹眞賢人也吾違其讜言以至于此

書鈔功曹又
任賢引晉書

郭翻

郭翻與翟湯俱爲庾翼所薦公車博士徵不就咸康末乘小船暫歸武昌

四字提綱
作還鄉

省墳墓安西將軍庾翼以帝舅之重躬往造翻欲強起之翻曰人性各有所短焉可強逼翼又以其船小狹欲引就大船翻曰使君不以鄙賤而辱臨之此固野人之舟也翼俯屈入其船中終日而去

書鈔舟
引晉書

劉麟之

劉麟之字子驥。書鈔

麟之好遊山澤。嘗採藥至衡山。深入忘返。見有一澗水。水南有二石困。一開一閉。水深廣不得過。欲還失道。遇伐弓人問徑。僅得還家。或說困中皆仙方靈藥。麟之欲更尋之。不復知其處。初學記五引臧書略。御車覽三十九詳引晉書。騎將軍桓沖聞其名。請爲長史。麟之固辭不受。沖嘗到其家。麟之于樹條桑。使者致命。麟之曰。使君旣枉駕光臨。宜先詣家君。沖聞大愧。于是乃造其父。父命麟之。然後方還。拂短褐與沖言語。父命麟之于內。自持濁酒蔬菜供賓。沖敕人代麟之斟酌。父辭曰。若使從者。非野人之意也。沖慨然。至昏乃退。書鈔。長史引晉書。

戴逵

戴逵少有文藝。善鼓琴。事類賦注十一。

武陵王晞聞其能琴。使人召焉。逵對使者前破琴。曰。戴安道不爲王門伶人。晞怒。乃引其兄述。述亦能樂。聞命欣然。操琴而往。事類賦注十一。

陶潛

陶潛爲彭澤令。在縣。公田悉令種秫穀。曰。令吾常醉于酒足矣。書鈔。縣令引晉書。酒解印後。有腳疾。使一門生。二兒。舉籃輿。詣王弘。旣至欣然。與之飲酒。書鈔。輿引晉書。

藝術傳

戴洋

戴洋年十二遇病死五日而蘇說死時天使其為酒藏吏授符籙給吏從執旛麾將上蓬萊崑崙積石太室恆廬衡等諸山既而遣歸書鈔·慶·引晉書·

後行至瀨鄉經老子祠皆是洋昔死時所見書鈔·慶·引晉書·

陳陔問方士戴洋曰江南有貴人顧彥先周宣珮是否洋曰顧不及臘周不及明年八月其年十二月十九日顧卒明日臘宣珮以明年七月晦亡御覽三十三引晉書·

韓友

韓友廬江舒人書鈔·

舒縣廷掾王睦病卒死已復魄友為筮之令以丹畫版作日月置牀頭又以豹皮馬鄣泥臥上立愈書鈔·鄣泥·引晉書·

淳于智

上黨鮑瑗家多凶喪使淳于智卜之曰君安宅不利可徑至市門當有一人持荆馬鞭來便就買還懸于舍東北大桑樹三年當暴得財瑗承言詣市得馬鞭懸之三年浚井得錢數十萬銅鐵器復二十餘萬于

是家業贍足病者亦愈。事類賦注八。

佛圖澄

石虎時自正月至六月不雨。澄詣西溢口。稽首暴露。卽有白龍二頭降祠下。於是雨溢數千里。類聚·請雨·引晉書·

張苗

張苗雅好醫術。善消息診處。陳廩丘得病。連服藥發汗。汗不出。衆醫皆云。發汗不出者死。自思可蒸之。如中風法。令溫氣於外迎之。必得汗也。復以問苗。云。曾有人疲極汗出。臥篋中。令得病苦增寒。諸醫與散。四日凡八過發汗。汗不出。苗乃燒地布桃葉於上。蒸之。卽得大汗。便於被下傅粉。身極燥。乃起。卽愈。廩丘如其言果差。御覽七百二十二。

趙泉

趙泉性好醫方。拯救無倦。善療衆疾。於瘡尤工。甚爲當時所歎服焉。御覽七百二十二。

劉德

劉德彭城人也。少以醫方自達。衆疾於虛勞尤爲精妙。療之隨手而愈。猶是向風千里而至者多矣。官至

太醫校尉。御覽七百二十二。

史肱

史肱性器沈毅志行敦簡善診候明消息多辯論以醫術精博拜太醫校尉治黃疸病最爲高手御覽七百二十二

宮泰

宮泰幼好墳典雅尚方術有一藝長於己者必千里尋之以此精心善拯諸疾於氣尤精制三物散方治喘嗽上氣甚有異效世所貴焉御覽七百二十二

靳邵

靳邵性明敏有才術本草經方誦覽通究裁方治療意出衆表剏制五石散方晉朝士大夫無不服餌皆獲異效御覽七百二十二

程據

程據爲太醫令武帝初受魏禪改元爲太始而據貢雉頭裘帝以奇伎異服典禮所禁焚之於殿前據以醫術承恩出入禁闈因爲賈后合巴豆杏子丸害懷愍太子遂就戮焉御覽七百二十二

范汪

范汪字元平性仁愛善醫術常以拯恤爲事凡有疾病不限貴賤皆爲治之十能愈其八九撰方五百餘卷又一百七卷後人詳用多獲其效御覽七百二十二案張苗以下凡八條御覽藝術醫引晉書今唐修晉書無故錄附此

孟嘉

孟嘉爲桓溫參軍。既和而正。溫甚重之。九月九日。溫遊龍山。僚屬畢集。風吹嘉帽落。不覺。如廁。孫盛時在坐。溫授紙筆命嘲之。着嘉坐處。嘉歸見之。笑而請紙。卽答了。不容思。御覽三十二引晉書。

桓玄

桓玄造大輦。容三十人坐。以二百人舁之。書鈔引

殷仲文

大司馬府有老槐樹。殷仲文原作對而歎曰。此樹婆娑。生意盡矣。類聚引

孫恩

妖賊孫恩。北出海鹽。劉裕爲將。築城於海鹽。賊日來攻。城內兵力甚弱。裕深獨慮之。一夜。偃旗匿衆。若已遁者。明旦開門。使羸疾數人登城。賊遙問裕所在。曰。夜已走矣。信之。乃率衆大上。裕乘其懈怠。奮擊大破之。御覽二百八十六。

盧循

廣州刺史盧循。遣使遺劉裕益智糴。裕答以續命縷。書鈔引

劉曜

劉曜追石虎至高堆。書鈔引

石勒

石勒少時常傭耕。每聞鞞鐸之音。歸以告其母。母曰。作勞耳鳴。非不祥也。書鈔·鐸·引晉書。

石勒每耕作于野。常聞鼓角之聲。勒以告諸奴。諸奴亦聞之。因曰。吾幼來在家。恆聞如是。書鈔·角·引晉書。

勒擊劉曜。使人著鐵屐。施釘。登城。書鈔·屐·引晉書。

張賓

張賓字孟孫。趙郡中山人。御覽四百四十九。

石勒初為劉元海授輔漢將軍。賓為當作所親。曰。吾歷觀諸人多矣。獨胡將軍可以共成大事。乃提劍軍

門。大呼請見勒。勒初未可當作也。漸見進重。引為謀主。機不虛發。算無遺策。成勒之事。皆賓之計。御覽四百四十九引

晉書

勒常歎曰。吾每臨大事。吾意未了。右侯已了。及卒。勒親臨哭之。慟。願謂左右曰。天不欲吾成事。何奪右侯

之早也。御覽四百四十九引晉書。

苻堅

苻堅之竊號也。雖疆宇狹于石虎。至于人物則過之。史通謂

初將為赦。苻堅與王猛、苻融密議于露臺。有大蒼蠅入自牖。聲甚厲。集筆上。良久而去。至市化為黑衣小

兒呼曰官今大赦。事類賦注十五

苻堅北定九州。將大舉南伐。苻融等咸諫止之。不聽。曰：吾百萬之衆，投鞭可以濟江。既至肥水，大爲謝玄

等所敗。事類賦注江

呂光伐龜茲。其城南營外。夜有一黑物。如斷岸。搖動有頭角。目光如電。及明。有鱗甲之迹。隱地。光曰：黑龍也。杜進曰：龍者。大人利見之象。將軍勉之。光有喜色。事類賦注二十八

慕容垂

慕容垂欲興師討慕容永。長子議曰：頃年士卒疲于行陳。居人不暇耕織。瘡痍滿身。哭泣盈路。且宜撫士安人。以待時。長子不足憂也。慕容德曰：不然。昔光武馳蘇茂之難。不顧百官之疲。夫豈不仁。機急故也。兵法有不得已而用之。方今海內版蕩。人百其心。急之則得其用。緩之則各懷所思。可因其勞而成其逸。何得緩之。垂笑曰：卿言當矣。二人同心。其利斷金。行其謀而滅永。御覽四百四十九

慕容超

慕容超字祖明。德之兄。北海王納之子也。苻堅破鄴。以納爲廣武太守。數歲去官。家于張掖。德之南征。留金刀而去。及垂起兵山東。苻昌收德諸子皆誅之。納母公孫氏以耆獲免。納妻段氏方娠。未決。囚之于郡。獄掾呼延評。德故吏也。嘗有死罪。德免之。至是將公孫及段氏逃于羌中。而生超焉。年十歲而公孫卒。臨

終授超以金刀。曰：若天下太平，汝得東歸，可以此刀還汝叔也。

御覽五百十二

臧榮緒晉書補遺一卷

雜傳

爰郡字文伯。老乞骸骨。詔聽如所上。拜太中大夫。賜錢三十萬。牀帷薦褥。祿賜與卿同。遣殿中侍給藥。書

• 太中大夫
• 引臧書。

辟閭訓字祖明。樂安人也。沒石勒。爲幽州刺史。文選勸進表注引臧書。

程牧字少言。有清名德望。一作清惠。有才行。歷位太子舍人。書鈔。太子舍人。引臧書。

朱整字偉齊。爲尙書僕射。領吏部。公清爲性。持真勵守。內外郡親州鄉人士皆見物。卿乃不開其黃紙。方

遊魏毛玠所見不同。前後選官。多加恕勤也。書鈔。尙書僕射。引臧書。

劉寶嘗爲司徒扶風王駿以五百匹布贖之用。爲從事中郎。書鈔。從事中郎。引晉書。案提綱。稱劉道眞爲扶風王所用。而劉寔字子眞。或係寔坐子夏罪。犯司

徒時事。姑附之以俟攷。

李疇爲交州刺史。不能檢制鈴下。慮必見殺。服藥死。書鈔。刺史引晉書。

紀遷改都安令。勵身居正。毛米不犯。書鈔。縣令引晉書。

徐伯珍少孤貧。學書無紙。常以竹葉。箭筈。及地上學書。事類賦注二十四引晉書。

張昭幼有孝性。父常患渴嗜生魚。昭乃自結網捕魚。以供朝夕。事類賦注二十
九引晉書。

陳安字虎侯。驍壯果毅。武幹過人。多力善射。持七尺刀。貫甲奔及馳馬。御覽三百九十
九引晉書。

趙孟字長舒。爲尚書都令史。善於清談。其面有疵黠。時人言諸事不決。當詣疵面。御覽六百
十七。

陳晷原作略。文
選注作晷。字永耀。有譽西朝。原作西河。文
選注作西朝。渡江爲太子太保也。書鈔。文選奏彈
王源注均引臧書。

孔季恭爲吳興內史。吳興頻喪太守。言項羽神爲祟。君居郡事。竟無害也。御覽二百
五十三。

劉道規爲荊州刺史。桓玄餘黨荀林屯江津。桓謙軍屯枝江。二寇交逼。久絕都邑之間。荆楚旣桓氏義舊。

並懷異心。道規乃會將士告之曰。桓謙今在近畿。聞諸君頗有去就之志。吾東來文武。足以濟事。若欲去

者。本不相禁。因夜開城門。達曉不閉。衆咸懾服。莫有去者。御覽二百
七十九。

孟榦爲吳人所獲。將徙之臨海。榦等志北歸。慮東徙轉遠。以吳人愛蜀側竹弩。言能作之。皓留付作部。後

榦逃至京都。御覽三百
四十八。

何尚之時造元武湖。上欲于湖中立方丈蓬萊瀛州三神山。尚之固諫。乃止。時又造華林園。並盛暑欲興

工。尚之又諫。宜加休息。御覽四百
五十三。

孫嵩爲王彌長史。彌與石勒有隙。勒常惡之。乃請計於右侯張賓。賓曰。英雄不並立。宜早圖之。勒於是開

宴請彌。彌將行。嵩請諫曰。石公卑甚。言甘不可信也。願公勿往。自守保固。恐有專諸孫峻之禍及耳。彌曰。

石勒一豎子耳。奚能爲也。不聽。遂入酒酣遇害。

裴元略事僞秦苻堅。爲金部郎中。堅常以珠璣奇異珍飾。不可計勝。以朝羣臣。元略諫曰。周卑宮室。慶垂八百。始皇窮極。嗣不及孫。此方古所以傳載也。願陛下去之。以延洪祚。慶流萬代。堅曰。非卿忠。何以聞寡人之過。悉命去之。

游子遠仕劉曜。西羌叛亂。舉兵四十餘萬。三輔大震。曜甚患之。欲大興師伐之。子遠諫曰。足下納臣愚計。不勞大軍。可一月而定矣。且羌夷之叛也。非有大度。窺竊神器。但迫足下嚴刑峻網。今死者不可追。生者猶可安。莫若大赦。釋諸逆人。若沒官者悉還之。遽相撫育。聽其復業。與人更始。彼生路旣開。人情豈有樂禍好亂者也。且小人聚居。必有他心。今無刑辟之懼。以恩信懷之。不降何待矣。縱會長負罪而不下者。請假臣弱兵五千人。爲足下梟之。不勞大軍。此可定矣。今賊黨旣盛。彌川被谷。君臨之以兵。恐非歲月而可殄也。此言其術也。曜大悅。行其計。西方遂平。

郭林宗謂劉儒口訥心辯。有珪璋之質。

御覽四百六十四

琅邪內史孫無終。貪橫忍虐。妓妾有忤意者。輒彈其面。

御覽四百九十二

王爽字季明。強正有志。歷侍中。嘗與會稽王道子飲。道子醉呼爲小子。爽曰。亡祖長史。與簡文帝爲布衣之交。亡姑。亡姊。伉儷二宮。何小子之有。

御覽五百十三

華慳字道宏。少失父。事母至孝。年十三。值年飢。穀貴。慳蔬食。而母甘肥不絕。又撫育孤弟。友愛甚至。稱爲慈兄。由是少有聲譽。御覽五百十六。

陳統字元方。弟紘字偉方。俱清秀知名。姊妹四人。並有美才。姊適東莞徐氏。生邈。及二姊適同郡劉氏。文

章最盛。御覽五百十七。

咸和二年。句容令孔恢罪棄市。詔曰。恢自陷刑網。罪當大辟。但以其父年老。而有一子。以爲惻然。可憫之。

御覽六百四十六。

咸和中。丹陽尹高悝行張侯橋。見浦中五色光。長數尺。不知何怪。乃令人于光處得金像。無有光。悝乃下車載像。還至長干巷首。牛不肯進。悝乃令馭人任牛所之。牛徑牽至寺。經一歲。臨海漁人張係世於海口。忽見銅花趺浮出。取送縣。以送臺。乃施像足。宛然會合。簡文咸安元年。交州合浦人董宗之。采珠沒水底。得佛趺光豔。交州送臺。以施像。又合焉。自咸和中得像。至咸安初。歷三十餘年。光趺始具。初高悝得像。後有西域胡僧五人來詣悝。曰。昔於天竺得阿育王造像。來至鄴下。逢胡亂。埋於河邊。今尋覓失所。五人嘗一夜夢見像。曰。已出江東。爲高悝所得。悝乃送此五僧至寺。見像歔歔涕泣。像便放光。照燭殿宇。像跌先有外國書。莫有識者。後有三藏那跋摩識之。云是阿育王爲第四女所造也。御覽六百五十七。

何植字元幹。常以縛筆織扇爲業。以奉供養。御覽七百二。

王質入山斫木見二童圍碁坐觀之及起斧柯已爛矣御覽七百五十三

賈彪鵬鳥賦序曰余覽張安世鶴鵲賦以其質微處褻而陋以遠害愚以為未若大鵬栖形遐遠自育之

全也此固禍福之機聊賦之云御覽九百二十七

蜀人王富作亂郡縣討平之初諸葛孔明有盛德于蜀土子瞻又身死王事蜀人思之以為瞻不死故將

謂王富曰君狀貌甚似諸葛亮君因此思尅復以扼巴蜀御覽三百九十 六引晉書

諸王官司徒吏應給職使者每歲先計借文書上道五十日宣敕使使令手書書定見破券諸送迎者所

受別郡校數寫朱券為簿集上御覽五百九十八

溫嶠表遣取供御之調條列真上茶千片茗三百大薄類聚茶引晉書

司徒王謐議曰夷庚未入乘輿旋館文選辨亡論注引臧書

都城千雉狐之所穴類聚穴引臧書

綜核人才官方任能書鈔引晉書

凡民私釀酒酤其有婚姻及疾病者聽之餘有犯罰金八兩書鈔酒引晉書

北郊祭文上命羲之更寫工人削之筆已入七分事類賦注十五引晉書

鄒湛對武帝曰猛獸在前荷戈而出凡人能之蜂蠆作于懷袖勇夫為之驚駭出于意外故也事類賦注蜂引

九家舊晉書輯本

• 晉書